

讀  
春  
秋  
管  
見

凝園讀春秋管見卷之十  
慎齋羅典徽五氏定稿

十有八年

春白狄來

男紹祁孫

善  
賢校字

見此白狄之來。非其酋長之以貨來朝。乃其醜類之以  
貨來市也。古者於中外之防雖嚴。而必通其交易。白狄所  
有。如牲畜皮物之屬。皆內地所資。亦有商賈載其財賄。及  
茶布等以販之。其交易皆在邊鄙要隘處。主于通貨而不

讀春秋管見卷十

得盜通人也。周禮地官之屬有司門掌授管鑰以司國門。幾出入不物者正其貨賄。注謂奇言異服為不物。白狄非其類。與王之國門相殘。則侯之門亦受其害矣。此襄公之十八年春而魯之國門有白狄來。胡為乎來哉。蓋逐魯之販其貨于白狄者。而亦自以其貨來。於此而不幾。使與魯之市人相雜。則地時之出而歸者。必將之可不慮為寇賊。後先之所由常乎。觀于僖公二十九年春有介葛盧來。魯不能却。其冬又有介葛盧來。魯亦不能止。及三十年而介人遂侵蕭。回自魯而潛出。其盜以肆其剽掠也。亦足引為不遠之明證矣。

夏晉人執衛行人石買

管見周禮秋官之屬天子有大行人。中大夫二人。小行人。下大夫四人。則侯國之行人無大小之分。當只稱行人而已。再禮記之制諸侯之上大夫卿。無中大夫。其餘皆下大夫也。是衛之行人石買其為下大夫可知。又諸侯之大夫

為行人。雖有專任，而亦其兼職。故石賈先嘗帥師伐宋，而  
于此復得稱行人。石賈也。行人主于通命，衛以石賈為行  
人，於此襄之十八年夏，本使至晉，而晉執之者何？傳說皆  
指為去年。夏，衛石賈帥師伐曹。曹訴于晉，晉囚其來使而  
執之。不知衛與曹初無隙。伐曹，晉令也。十六年夏，叔共會  
鄭伯、荀息偃衛甯殖、宋人伐許。唯曹、師不會，荀息乃使  
衛伐曹耳。夫晉方以不會伐許為曹罪，曹復何能以衛之  
伐曹訴于晉？且使晉為執其帥師伐曹之石賈乎？是必不  
然。竊意此年春，書白狄來，未至于魯也。白狄介晉之東北，  
鄙亦在衛之西北。鄙者，前與赤狄為二。晉景公徧以赤狄  
尤強，當宣之十五年，滅赤狄潞氏，以潞子嬰兒歸。十六年  
再滅赤狄甲氏，及白狄吁咺氏。白狄舊皆從晉，伐秦乃舍之。至  
成之九年，白狄復助秦人伐晉。十年，介景公徧卒。十二年  
晉厲公州蒲，以其狄敗狄于交剛，即伐此白狄而敗之也。  
自是以後，終厲公州蒲之世，立悼公周，與今襄公同年。改  
元終悼公之世，平公彪明。又經二年，為襄之十七年。積之

已二十四年矣。其時白狄斂跡。豈嘗越境以生疆事乎。值此十八年春。晉忽聞魯有傳其白狄來者。究其來之所自。必得假道于衛也。而衛何以許之。蓋由白狄先以重賂歸衛之閭吏。使代請于衛卿孫林父及甯殖等。亦各有重賂。徒欲遷其土物以入中國之市廛。與商賈交易。謂是為兩利焉耳。衛度其貨賄流通。財用益裕。苟非其物犯禁。可無阻也。至其人之言語衣服。不與華同。因以幾其出入。亦較易。彼白狄不事田作。適園逐末營生。何惡之能為。乃遂許其款關來告。但籍其貨賄之數。以出稅。即得給之。節傳以遠之。惟所欲往。以是而白狄既入衛境。卒至長驅而及于魯。歟。然此路一通。魯有白狄來他國。不亦皆有白狄來耶。非我族類。其心必異。冠賊姦宄。將于此肇焉。觀前之莊閔。倍文間狄。未始分白狄赤狄。而其于晉衛宋鄭齊魯。或侵或伐。或圍或入。無不至。唯曹幸而得免狄之為難已甚矣。今赤狄雖先滅。其得謂白狄之非狄乎。又得謂白狄為狄而不能為狄難乎。此其因魯之白狄來。以罪所自來之衛。

衛侯可辭以故。此年夏，衛之行人石買至晉。而晉遂執之。  
然石買特行人耳。豈若孫林父之當國與夫任政之寧殖  
哉。繼而執者一由石買。則執之非其罪矣。執非其罪。晉侯  
所以為若乎。在次書此。特削其爵。而人之曰。晉人執衛行  
人石買。與前之一年秋書楚人執期行人良。其例正同。

# 齊師伐我北鄙

見按此襄十八年秋。但稱齊師而已。則齊侯退。洎不秋  
更入魯境。亦但稱伐我北鄙而已。則齊師困。葵並不敢復  
圍魯也。此力蓋計窮而強自施。張以前三年之四書齊侯  
兩書圍成。一書圍桃。並聯書高厚圍防者。合而觀之。其情  
畢見。

冬十月公會晉侯宋公衛侯鄭伯曹伯莒

# 于邾子滕子薛伯杞伯小邾子同圍齊

管見此年書冬十月公會晉侯宋公衛侯鄭伯莒子邾子滕子薛伯杞伯小邾子同圍齊晉主兵也其同齊之故為魯之被齊辱而告急于晉四年中凡五至焉晉亦不獲已而與此役至于會諸侯國齊而特以同稱則著諸侯之能用晉令此獨見其皆無異志耳可據左傳所載想其大要以賞三益其時晉侯之親行恃有荀偃為之先後也荀偃先必驚于夢惡質諸巫臬巫斷以必死若有事于東方則可以逞荀偃許諾及晉侯伐齊荀偃從之將濟河乃沈璧以告神誓言荀捷有功無敢復濟此志誰能違乎前諸侯公侯梁其大夫得盟荀偃必為之首今將會師圍齊諸侯皆從晉侯諸侯之大夫亦必皆從荀偃是即所謂同矣又曰諸侯之會師既集于齊西之平陰境而公侯引營于以自晉侯請帥車千乘自其鄉而犯齊東之沂水所界進趨臨淄則與晉及他諸侯之師入自齊西平陰

國齊之至則伐雍門之萩以焚雍門及西郭南郭旋又伐  
中庭之竹木以焚東郭北郭齊侯聞將走邾棠太子光扣  
而止之弗聽及抽劔斷其鞅乃止然亦茫無籌策徒倚齊  
之都城素固雖同之者盡燬其郭而未能遂入齊侯卒幸  
得免于執獲而已他若都城以外經十二國之卒徒克床  
殘破殆將過半今見于傳者起西之入平陰進而攻澠克  
京茲克邾圍成越齊都東侵及濰及沂乃返其問之吏民  
並遭其殺傷俘掠不可悉指然則齊侯雖不失國而亦不  
可以為國矣嗟乎齊靈公以國霸魯魯屢伐屢圍遂至力  
盡計窮其愆已甚矣由晉合諸侯以同圍齊齊言為魯報  
怨齊地皆望風瓦解獨餘一都城不潰使齊侯危而獲安  
念此固尋衰頹不足足以霸而轉  
滅于亡能無患愼欲死也哉

## 曹伯負芻卒于師



晉成公十三年五月，晉厲公州蒲會諸侯伐秦。曹伯  
廬卒于師，春秋書之，蓋聞其死，于外而太子之在其國  
者亦因以被殺也。殺太子者為誰？即曹伯廬之庶子負芻  
也。太子殺而負芻遂自立為君，則亦居然曹伯矣。至成公  
十九年，晉侯會諸侯同盟于戚，乃執曹伯負芻歸于京師。  
又於十六年釋之，而今曹伯歸自京師，是何能正其殺  
太子而自立之罪乎？值茲襄公十八年冬，晉平公彪以魯  
故而會諸侯同盟于齊，曹伯負芻卒于師，春秋書之。其辭與  
前曹伯廬同意，則深幸負芻之卒于師，正如晉令諸侯以  
同國齊者亦得並討曹伯負芻之罪，而使雖于亂軍以隕  
命也。云爾。豈復閔其卒于師而與前之曹伯廬一例論哉？

# 楚公子午帥師伐鄭

晉見前。襄公十一年，晉悼公之會諸侯伐鄭，既三駕矣，及  
于蕭魚，鄭從晉。楚人執鄭行人良霄，其情惡，未得舒也。

子審卒。子康王昭立。將繼先君之業。豈得不  
昭乎。及茲十八年冬十月。春秋書公會晉侯宋  
公。後鄭伯。曹伯。公子。邾子。滕子。薛伯。杞伯。小邾子。同國  
君。以爲楚興是役者。明鄭伯之出也。其說較傳爲允。蓋鄭  
伯以晉師及諸侯之師同圍齊。楚度其國內必虛。乃  
以子午之師以伐鄭。志欲擄其虛以期于必克焉耳。然鄭當  
此可謂衡勢強戎備以戒不虞。固雖小而仍強。當是之時  
傳聞鄭子驁伯有。子張從鄭伯同圍齊。亦有子孔。子  
西。其國以守。固小雖不敢以輕戰。嘗楚小而強亦終能  
以拒楚也。彼公子午之帥師伐之。卒何嘗得  
志。鄭哉。其但書伐鄭則楚爲無功而還可知。

## 十有九年

春王正月諸侯盟于祝柯

晉見杜氏注曰。即古平國。齊之諸侯也。孫氏復曰。諸侯不序。前目後凡也。祀。杜注。祝柯縣。今屬濟南郡。案禮記武王封黃帝之後于。即此也。漢為祝柯縣。唐改禹城縣。今長清縣。豐齊鎮北。故祝柯城。攷祝柯在今長清縣北之禹城縣。距濟南府一百里。前由武王以封黃帝之後。但名祝耳。度其後為齊所并。故增一字為祝柯。歟。昨十八年冬十月。晉會諸侯同國。齊踰今十九年春正月。自國齊還。而復以諸侯盟于齊。亮之祝柯者。則為十七年冬。邾子華伐我南鄙。訴于晉侯。其時邾子亦與國齊。乃即為是盟于祝柯。以執邾子也。其事與前十六年春。因會于浹梁而執邾子。物。

晉人執邾子

晉見杜氏注曰。即古平國。齊之諸侯也。孫氏復曰。諸侯不序。前目後凡也。祀。杜注。祝柯縣。今屬濟南郡。案禮記武王封黃帝之後于。即此也。漢為祝柯縣。唐改禹城縣。今長清縣。豐齊鎮北。故祝柯城。攷祝柯在今長清縣北之禹城縣。距濟南府一百里。前由武王以封黃帝之後。但名祝耳。度其後為齊所并。故增一字為祝柯。歟。昨十八年冬十月。晉會諸侯同國。齊踰今十九年春正月。自國齊還。而復以諸侯盟于齊。亮之祝柯者。則為十七年冬。邾子華伐我南鄙。訴于晉侯。其時邾子亦與國齊。乃即為是盟于祝柯。以執邾子也。其事與前十六年春。因會于浹梁而執邾子。物。

制其內而人至此執邾子而不書以歸據漢梁之說邾子雖者難之。初既以歸則令之于祝柯而執邾子乎若能不復以歸乎。必以歸則不必一書再書可矣。省文也。若使晉執令之邾子而不以歸即于祝柯釋之。觀下書公至自伐齊其盟祝柯之諸侯不皆至也。魯將何物而遂得取邾田自漣水哉。

## 公至自伐齊

管見前書公之討國齊而不言伐此書公之至自伐齊而不言討亦省文也。互看而其義自完。

## 取邾田自漣水

管見杜預注水出東海合鄉縣西南經魯國至高平湖陳縣入泗。案公經漢縣北齊省湖陸即湖陵在今魚臺縣東北。茲考泗水出陪尾山西流經曲阜貫兗州府城至濟寧縣水入于泗則自其南來矣。而兗州南境其合

鄉之為鄉六所出者。雖舊為漢縣。亦未詳。又兗州山川類。並無漸水之名。始以其源小而流短。故從畧焉。竊據經求之。既云取鄉田自漸水。是係漸水于邾而著其源之發自邾矣。漸水當有田屬邾與魯之南鄙接。因只言取邾田自漸水而無公。邾水以至魯之南鄙而止。不言可知。再魯之取邾田。魯有漸水以西。觀後哀公二年春。季孫斯叔孫州仇仲孫公忌師師伐邾。取漸東田及沂西田。彼為漸東田。此非漸西田。而何哉。至于發明此條正旨。高氏閔曰。書取田于至。至在齊之後。明公獨取之而非諸侯取之者。所以尊罪公也。鄭氏玉曰。傳稱疆我田。蓋魯人以正疆為名。而妄取邾田故沒其疆田之說。特正其取田之罪焉。爾二說皆不泥于傳。較為得實。當從之。

# 季孫宿如晉

常見自去年冬十月。及今年春正月。晉既會諸侯同國。齊拔以諸侯盟祝柯而執邾子。皆以魯故。故公使季孫宿如

晉公之其取郭田自潁水。非晉今也。魯倚晉勢以清。差  
市師。晉王相潁水之田為魯田而沒于制者其取之也。與  
晉公二年會晉伐齊敗齊師于鞌。而魯得取汶陽之田。  
則此季孫宿之如晉以為且拜取田彼田之實非魯  
田而為郭田晉亦何能深辨。而春秋則有以正之矣。蘇  
氏鞌口取汶陽田不言齊魯地也。此其取郭田自潁水以  
田係于郭豈  
得為魯地哉。

## 晉成公

見晉成之十三年夏書曹伯廕卒于師。聞之也。是年冬  
書莒曹宣公亦有政聞之意。蓋驚其死而遂及亡耳。昨襄  
之十八年冬書曹伯負芻卒于師快之也。今年春書  
莒曹成公亦有稱快之意。蓋斥其死則早應埋耳。

## 衛孫林父帥師伐齊

襄公十九年

也。見去年冬，晉合諸侯同圍齊。衛侯剽與焉。今年春，公方至自伐齊，則衛侯剽之至衛，亦當同矣。未幾而夏，彼衛之孫林父忽又帥師以伐齊。夫豈衛之志哉？是當由齊先伐衛，以謀報其會師圍齊之怨，而其借以與師之名，亦必聲言欲納前此來奔于齊之衛侯伋耳，何以見之？襄公十四年夏，衛侯出奔齊，此衛之孫林父逐其君伋而立公孫剽也。是年冬，季孫宿會晉士匄、宋華閱、衛孫林父、鄭公孫蠆、莒人邾人于戚，亦本衛孫林父欲倚晉勢以定所立之公孫剽，故為戚之會，而以晉士匄主之者。于茲既五年，無變局矣，而齊之以報怨伐衛，輒納衛侯伋，則公孫剽之立卒何以能定耶？因是而既有夏之衛孫林父帥師伐齊，旋復有秋之晉士匄帥師侵齊，至穀皆以為其所立而定之之公孫剽也。晉士匄于秋侵齊，侵則必入其境，故至穀若衛孫林父之夏伐齊，不言所至，則是齊來伐衛，衛孫林父帥師伐之，其伐之仍在衛境而非入于齊，以伐之必可知矣。然春秋但書衛孫林父帥師伐齊，不書齊人帥師伐衛。

老為其伐而假納衛侯折以為名不當  
直斥為非而終不得遂信為實當從魯

# 秋七月辛卯齊侯環卒

管見齊侯環卒經書秋七月辛卯傳得夏五月壬辰為之  
況者謂是太子光定位而後起非也即就傳求之齊侯疾  
崔杼微逆光疾病而立之則當齊侯未卒而光之位已定  
矣何待三月哉且使其定位果以三月起亦必從齊侯環  
之卒日也其可以夏五月之壬辰而易為秋七月之辛卯  
乎總之經傳之異辭者自月日而外亦多有之如本年春  
正月諸侯盟于祝柯公作阿此秋七月齊侯環卒公作環  
及于八月鄭設其大夫公子嘉公作嘉皆與經不合則獨  
以經為主而已他  
可存而不論也

# 晉士句帥師侵齊至穀聞齊侯卒乃還



晉見衛孫林父之帥師伐齊伐其來納出奔于齊之衛侯  
衍耳齊師退而孫林父所私結之晉士句亦帥師以助林  
父則復從齊師之後進而侵齊國已至于齊之穀矣豈欲  
遠以師還哉俄而聞齊侯卒乃還非誠謂古之為師不伐  
喪也以為齊侯卒誰復主納衛侯衍者自是衛侯公孫剽  
終于得定而衛孫林父之立之亦當有以卒成其志矣故  
晉士句給知其可以還乃還也其意實專在衛而于齊之喪固漠然已耳

# 八月丙辰仲孫蔑卒

晉見三桓之族仲氏始自慶父以奔莒不書卒其子公孫  
敖亦奔莒後書卒于齊齊人歸其喪夫豈卒之正哉至宣  
公九年夏經書仲孫蔑如京師其名始見自後事宣成  
以及襄居位四十七年既未嘗以有罪出奔而亦不聞其  
祖政權兵柄以啟無君之漸也則今襄十九年之秋八月  
丙辰仲孫蔑卒此蓋棺論定之時固當不失其為賢矣然

昭公十四年。魯之仲孫氏至蔑而始書卒。蔑之從為仲孫氏。仲孫氏為仲孫。何忌。皆與季孫氏。叔孫氏。兄弟。魯政。春秋是以謹志其卒。以見其父卒。而子繼者。延及五世。而未已。所以譏世卿也。按此條書旨。亦未嘗不兼此意。故並錄之。

## 齊以其大夫高厚

齊宣公十九年。秋七月。辛卯。齊侯環卒。左傳云。初。齊侯娶于魯。曰顏懿姬。無子。其姪。馮。齊侯生光。以為太子。諸子。仲子。戎子。戎子嬖。仲子生牙。屬諸戎子。戎子許。以為太子。許之。仲子曰。光之立也。列于諸侯矣。今無故而廢之。後必悔之。齊侯曰。在我而已。遂東太子光。注謂廢而徙諸東。齊宣公十八年。其冬十月。晉合諸侯之師。同圍齊。為魯報怨。齊侯懼。將駕而走。都棠。止。太子光抽劍斷鞅。乃止。亦見于傳。然則太子光何嘗先為齊侯所廢。而至子

東徙哉。本取傳辭之能合者彙次之。蓋齊侯之欲廢光。一  
立牙。雖嘗許戎子之請。亦猶自度其專國方兵可姑置。若  
後圖耳。值去年冬之諸侯同圓齊者。晉主兵。齊侯大往。不  
勝志憤。亦無若晉何。旋于此年夏。借端與師。以明釋憾。  
于衛。衛孫林父帥師伐之。實因衛之有齊師也。而春秋但  
書曰。衛孫林父帥師伐齊。一若齊師之蔑有者。然從可。  
齊師之聞風反走。使齊侯聞之。益復志憤欲死矣。因是而  
齊侯之疾暴作。勢甚危。其所嬖之戎子。以公子牙侍左右。  
亟請立以為太子。齊侯諾其心。捨知崔杼私于太子。光乃  
召其大夫高厚。入受顧託。使宣命于朝。廢太子光。立公  
子牙為太子。即令高厚傅牙。並以風沙衛為少傅。于時崔  
杼必陰匿其既廢之太子光。而高厚則居然翊輔其新立  
之太子牙矣。然而牙豈光之敵乎。高厚亦豈崔杼之敵乎。  
俄而為秋七月辛卯。齊侯環卒。崔杼遂奉太子光即位。為  
右長之君。是月光執公子牙于句瀆之邱。風沙衛奔高唐。  
以叛。八月。崔杼殺高厚于灋藍。而兼其室。此殆當時之情。

書所稱殺其概于傳者至論此條書法張氏洽曰殺高厚  
意蓋行也然杼雖擅誅殺之柄亦莊公之所欲也程氏端  
明曰此齊光既立之後崔杼與光共殺之故以國殺而又  
以殺其大夫也汪氏克寬曰微崔杼之力莊公固不得立  
杼殺高厚慶封討夙沙衛明年復使慶佐為大夫而誅  
牙餘黨崔慶自是專權而射服之禍兆于此矣按三說推  
闡詳

## 鄭殺其大夫公子嘉

管見左傳首稱鄭子孔之為政也專子孔即公子嘉也其  
為政專則上信其君此為鄭伯簡公嘉之所欲殺矣其殺  
公子嘉者傳又指稱鄭子展子西率國人伐之遂殺嘉而  
分其室既殺鄭人即使子展當國子西聽政從可知公子  
嘉之事上信其君亦下陵其同列而子展子西之欲殺之  
其心與鄭伯同而鄭伯亦復陰謀于子展子西矣故春秋

稱國以殺。前書齊殺其大夫高厚。見殺高厚者。不但由于伐杞。此復聯書鄭殺其大夫公子嘉。亦見殺公子嘉者。不但由于子展子西也。至于高厚及公子嘉皆不削其大夫。豈謂其無罪哉。高厚公子嘉信有罪。而齊鄭之君若臣並用其私謀。而非以正王法。則不沒其所殺之。為大大彼齊鄭專殺之罪。亦因以昭揭云爾。

# 葬齊靈公

管見魯與齊為讐。又何為而會其葬。因乎晉也。此年夏。衛孫林父帥師伐齊。秋。晉士句帥師助衛。比及衛師而齊師已退。晉士句復帥師進而伐齊。至殺亦欲齊知衛有晉之助焉。爾而適于殺。聞齊侯卒。則度齊師將不復出。而衛必無患。其至設之師。既得以侵。示威亦可以還。示德于是。言古之為師。不伐喪。晉師亦猶行古之道也。乃還由此。以推晉不伐齊之喪。以示德尤當。會葬之葬。以示禮。其事相從者。魯以晉為倚賴。必視晉為轉移。晉方欲與齊平。而

會。此。齊。宣。得。終。與。齊。誓。而。不。會。其。盟。於。此。  
此。年。冬。之。生。齊。宣。公。其。為。魯。之。困。于。晉。也。始。也。

## 城西郭

晉。趙。氏。克。宣。曰。郭。乃。外。城。此。云。西。郭。晉。國。外。城。之。西。  
郭。也。此。說。是。也。以。前。十。五。年。春。季。孫。宿。叔。孫。豹。帥。師。城。成。  
郭。特。以。邑。名。係。之。所。以。別。于。都。也。然。則。都。城。之。郭。只。舉。其。  
方。面。可。矣。攷。家。字。記。云。曲阜。古。魯。城。凡。有。十。二。門。東。二。門。  
其。北。名。上。東。門。左。傳。定。八。年。公。歆。處。父。帥。成。人。自。上。東。門。  
入。城。文。外。化。及。居。于。東。門。之。外。即。此。也。其。他。不。聞。記。復。云。  
古。魯。城。西。有。五。門。第。一。曰。鹿。門。第。三。曰。稷。門。左。傳。言。臧。孫。  
紇。斬。鹿。門。之。閭。以。出。亦。言。莊。公。謂。圍。人。華。能。投。蒺。于。稷。門。  
即。此。也。可。考。者。幾。于。半。矣。然。晉。都。之。西。城。一。面。而。列。五。門。  
仍。恐。未。確。記。又。引。魯。國。志。云。古。城。凡。有。六。門。東。西。有。三。門。  
最。北。者。名。萊。門。左。傳。哀。公。六。年。齊。陳。信。子。乞。使。召。公。子。陽。  
生。于。魯。將。立。之。陽。生。駕。而。見。南。郭。且。于。詭。稱。嘗。獻。馬。于。季。

孫不入于上乘。故又獻此。請與子乘之。出萊門而告之。故  
注云。萊門。魯郭門也。次南第二門。名石門。論語子路宿于  
石門。注云。魯城門。呂氏春秋曰。宋有桐門。魯有石門。即此  
也。南面有一門。無名。北面有三門。最西者名子駒門。左傳  
襄十一年。獲長狄僑如。埋其首于子駒之門。注云。子駒魯  
郭門。次萊二門。無名。據此推度。魯國志以為魯城七門。較  
為近之。其統稱東西有三門。雖未經別出。孰為一門。孰為  
二門。然魯在東方。凡中夏諸國。皆在其西。則魯城之西門  
為當。得道合有二門。為最北之萊門。及次南之石門矣。門  
之外有郭。亦稱外城。郭不別立名。知魯城西之有萊門石  
門。其郭則通謂之西郭而已。三論所由城西郭之故。左傳  
謂其懼齊。蓋有然者。去年冬。晉介推侯同圍齊。齊都極危。  
元以為魯攻也。齊豈得忘情于魯乎。是知公以今年春。至  
自既而。雖云二能復怨而構。怨深必不能以無懼矣。但  
其國雖弱。而城郭以為之倚。亦自足恃之。以圖齊。而知郭  
為城之不足恃。所關係甚重耳。左傳叙諸侯圍齊者。初伐

門之秋焚雍門。及西郭南郭。旋復伐申池之竹。焚東郭。非一皆齊鄰之郭也。雖當極危。而其誠卒保。則亦恃其郭之為郭。雖遭焚而不。及望仍可恃。以固。耳。故公主自齊。齊即議同。見魯郭之滅。郭而城之。惟西郭適當其後。乃以其冬滅西郭也。城非創築。特事增修。以言城西郭。則他郭之完。固若。悉如舊。若夫春秋之例。凡城必書。亦稔知設險守國。有弗復已。豈特概加之。哉。賊哉。惟不沒其事。使有國者念其有此。勞費亦當于他。端為之。即用。以愛民也。況此襄公十九年冬。既城西郭。又繼以滅武城。其一書再書之意。所以示警者。益深切矣。

## 叔孫豹會晉士匄于柯

晉見柯杜注。魏都內黃縣東北有柯亭。所指殆未為確。考莊公十三年。公入齊。侯盟于柯。杜注。濟北東阿。即齊之柯邑。今兗州府東平縣是已。此襄公十九年。叔孫豹會晉士匄于柯。其地當同之。晉士匄何以至柯。由晉平公彪將于



明年夏會諸侯盟于澶淵。冀得齊侯與焉。故先使士句如齊。及柯而止。別使其從行之介入齊都。以晉欲平齊之意達于其執政崔杼。即緣崔杼以達于新立之齊侯光。併齊之于晉。自是釋其去年同圍齊之怨。而來會于明年之盟。澶淵以敦好也。晉士句則待命于柯耳。此年秋七月。齊侯環卒。其時晉士句帥師使齊至穀。穀與柯並在今於阿縣。于至穀而聞齊侯卒。乃還。既假不伐表之義。以示德于齊矣。及其冬。莖齊靈公。而晉以士句至于柯。猶是前還師于穀之近境也。因是約與齊平。而定澶淵之盟。齊必從之。觀傳叙叔孫豹會晉士句于柯。首稱齊及晉平。盟于大隧。則齊侯已許平。而並許復之親會其盟者。由崔杼致命于柯。而士句復恐齊侯之有變志。乃及崔杼盟于大隧。以堅其約也。然此但見于傳。而經則從畧。以明年夏六月。齊晉會諸侯盟于澶淵。而齊侯亦與其會盟所由來。必為晉士句之問。通于柯以成之。固不言可知矣。至于晉士句在柯。魯之叔孫豹必往會于柯者。則季孫宿之所使也。晉

年間借晉之力以報齊兼之報制于晉侯必討之彼  
晉卿士句為執政適以奉命至柯柯介齊魯之交魯之正  
卿雖不須躬往會之亦安得不使他卿如叔孫豹者為之  
代致其殷勤也哉此亦當日情事之所有者但須認定利  
屬齊邑乃為得解若泥于本條傳注謂魏郡內黃東北有  
柯亭內黃屬今河南彰德府志載春秋時為晉之東陽地  
距齊魯並遠彼晉士句之至于柯將因以結齊也既不能  
遠居晉境以待齊命矣若叔孫豹之會晉士句于柯特借  
以尊晉耳又豈能遠赴晉境以就晉使乎

## 城武城

〔管見〕魯南鄙有費邑以賜季氏今兗州屬之費縣是已通  
典云費縣有古武城今故城在費縣西南九十里明一統  
志古蹟類亦云武城城在費縣西北七十里即子游所治  
之邑然則此襄十九年之城武城左傳亦以為懼齊與城

春秋管見卷十

襄公二十年

十三

西邾同。殆未審耳。杜注附會其說。謂武城在泰山南。亦籠統無着。按此年春。諸侯既伐齊而盟于祝柯。晉人執邾子。為邾之伐魯南鄙故也。公自伐齊歸。遂倚晉勢。取邾田。自洧水。邾豈得不圖。有以取魯田哉。邾在魯南鄙之西。費在其東。而武城介于費之西南西北。則其地之相錯。必有與邾毗連者。邾苟欲取魯田。勢將不得不有事于武城矣。于時季孫宿專魯政。因竊謀魯之南鄙。用戒不虞。亦兼謀家之私邑。克謹外蔽。乃乘晉之執邾子而未得釋。輒因冬之減西邾而並城武城也。城西邾為脩齊城武城為脩邾城。分別言之。惟其城之者。皆事增修而非創築。是則同。

二十年

王正月辛亥仲孫速會莒人盟于向

晉見向為莒地。則此仲孫速之會莒人盟于向。若魯之惡也。計自晉平公會諸侯于溴梁。執莒子邾子以歸。自是而

呂師之不至我東面者及五年矣其間莒子雖得自晉將  
師于魯之怨庸能已乎度非使一世卿至其近邑以就莒  
于莒子而魯之東郭終不獲寧也且邾子前與莒子同執  
于晉是年之得釋亦當同之值十七年春邾子邾卒立邾  
子華其冬復伐我南鄙欲報前邾子被執于晉之怨賴昨  
十九年晉盟諸侯于祝柯再執令邾子魯得因以取邾田  
自漵水南鄙始安然魯受晉之德為已深而其構怨于邾  
亦不淺矣比及冬而有城武城之役夫非以備邾乎及使  
邾忽伐我南鄙而莒復乘此釁以伐我東鄙則魯之兵力  
分必將不敵故以此二十年之春正月使仲孫速如莒及  
向即使期以是月辛亥會莒子于向而盟之至期莒子受  
盟經稱莒人者抑之耳其寔則為莒子非他人也既盟莒  
而莒不黨于邾則魯無莒患遂得為之專力以待邾矣觀  
于明年秋仲孫速帥師伐邾此非首兵乃應兵也然春秋  
但書仲孫速帥師伐邾而不先書邾人帥師伐魯是以  
魯師掩邾師而見邾之無功而還即寓于不言之內

夏六月庚申公會晉侯齊侯宋公衛侯鄭伯曹伯莒子邾子滕子薛伯杞伯小邾子

盟于澶淵

管見澶淵杜注衛地在頓邱縣南水經注浮水故澶上承大河于頓邱縣而北出東逕繁陽故城案浮水即澶淵也繁陽故城在內黃縣東北二十七里古頓邱約畧在濬縣之南漢元光三年河水從頓邱東南流既而決瓠子今瓠子故城在開州西南二十五里則澶淵之地可以內黃之南開州之西北當之盟于澶淵晉平公為主欲以繼前悼公之盟于雞澤而稱霸也雞澤有王臣單子與焉必假王命以為盟書用殷同于天子之國以盟其不協之禮故書盟以著其僭耳至此齊公會晉侯次齊侯猶是前雞澤之齊世子光也班在諸小國之後經晉侯進進之而始得

定公伯。伯。今會澶淵。而光已立為齊侯矣。則行  
之。此可以一視乎。又新盟有宋公衛侯鄭伯無曹何  
子。子。子。子。無滕子薛伯杞伯小邾子。茲當盟于澶淵  
也。然未嘗引  
單子考以徵其是乎。則無挾天子以令諸侯之罪  
也。主。憑強大以脅諸侯為私盟之罪而已。此所由但  
于澶淵而不寄  
于澶淵也與

# 秋公至自會

## 仲孫速帥師伐邾

晉見。此年夏六月。晉會諸侯于澶淵。邾子與焉。則知去年  
秦晉人之執邾子于祝柯者。殆不踰年而釋之矣。及既盟  
澶淵。而公以其秋至自會。邾子亦當至自會也。比至而亟  
謀伐魯。欲報其取邾田自澠水之怨。是亦必指魯南鄙之

武城近邾者而取其田矣而魯則早備之既城其城以資拒邾尤當治其軍以待擊邾也豈嘗不并籌哉未幾而邾師驟至使仲孫速帥師伐之前十六年秋齊侯聞成得稱孟孺子速微之齊侯曰是奸勇去之以為之名齊師退夫速以勇聞于齊則當此年秋之帥師伐邾直若目無邾師者然也因是而知人遇之亦不戰而走仲孫速驅之出境遂帥師以還故春秋只書伐邾而止不更綴以他辭

# 蔡殺其大夫公子燮蔡公子履出奔楚 陳侯之弟黃出奔楚

管見按左傳稱蔡公子燮為司馬欲以蔡背楚與晉乃與余文公申嘗有言曰先君莊公與于踐上其言不可棄且兄弟也後以畏楚不能行而卒及景公所立虎西子茲矣景公為文公子公子燮亦當為文公子故

此而。晉。終。踐。文。公。申。之。言。以。成。其。不。忘。先。君。蔡。公。子。午。  
也。也。公。子。變。以。司。馬。專。兵。其。權。重。苟。其。剛。愎。自。用。將。  
法。陳。蔡。蔡。公。子。公。從。死。君。以。利。蔡。也。侯。不。能。禁。他。大。  
夫。亦。何。敢。有。異。議。哉。因。是。而。蔡。之。惡。變。者。不。與。密。謀。遂。有。  
人。焉。伺。間。哭。起。不。用。衆。而。手。刃。之。則。已。殺。其。大。夫。公。子。變。  
矣。公。子。變。誰。寔。殺。之。乃。蔡。之。公。子。履。耳。履。亦。以。公。子。稱。則。  
皆。屬。文。公。申。之。庶。子。與。景。公。固。為。兄。弟。也。然。注。先。以。公。子。  
變。為。莊。公。子。且。以。公。子。履。並。出。自。莊。公。而。指。為。變。之。同。母。  
弟。皆。未。為。確。至。其。殺。公。子。變。之。即。為。公。子。履。何。以。知。之。前。  
文。公。六。年。冬。春。秋。聯。書。晉。與。其。大。夫。陽。處。父。晉。狐。射。姑。出。  
奔。狄。欲。見。殺。陽。處。父。者。即。為。狐。射。姑。也。此。年。秋。復。聯。書。蔡。  
殺。其。大。夫。公。子。變。蔡。公。子。履。出。奔。楚。其。書。法。同。則。其。意。旨。  
亦。必。同。矣。但。彼。狐。射。姑。之。出。奔。狄。特。以。逃。晉。之。討。故。也。此。  
公。子。履。之。殺。公。子。變。以。其。欲。違。衆。從。晉。而。殺。之。則。雖。不。出。  
奔。而。蔡。必。不。討。然。公。子。履。猶。自。出。奔。楚。者。殆。因。殺。背。楚。之。  
公。子。變。足。以。取。悅。于。楚。則。後。之。倚。楚。勢。而。歸。國。並。足。以。求。



龍于蔡也。與。若此年秋。陳侯之弟黃出奔楚。適與蔡公子履之出奔楚者同時。而春秋亦聯書之。左傳云。陳大夫慶虎慶寅畏公子黃之逼。將奪其政。乃誘之于楚。曰。與蔡司馬公子受同謀。請其并欲與晉以背楚也。楚人乃討責陳。公子黃出奔楚。將以自理其誣。此與蔡公子履之出奔楚。雖不同情。而陳之二慶。輒舉蔡公子之禍。以移諸陳侯之弟黃。別其端。固有相因者矣。雖傳于公子履之出奔楚。以為與受同謀而逃死。未免有誤。而其于公子黃之出奔楚。則其如楚以辦慶虎慶寅之愆。則正得其寔也。觀此後之二十三年夏。陳殺其大大慶虎及慶寅。陳侯之弟黃自楚歸于陳。不亦可。公參而知其本末哉。

# 叔老如齊

王以孫曰。齊屢侵魯。及涇淵而始平。金

冬十月丙辰朔日有食之

季孫宿如宋

言見諸侯之以聘通好常禮也。例不使其正卿如此年。若叔老如齊是已。若季孫宿為魯正卿而其冬以聘如宋。非由公命而自請行其欲通好于宋公成者。淺其欲。歸反于宋。則向戌者深也。前之十五年春宋公使向戌來聘。止請盟。因以二月己亥及向戌盟于郕。此正不向戌之所由。于季孫宿矣。至茲已歷六年。季孫宿豈不思國事。如宋以中。如曲于向戌也哉。從可知此年秋。當叔老如齊。其冬當季孫宿如宋。以各據名氏以核所職任。叔老非正卿而効奔走其惟奉公事則無譏。季孫宿為正卿而輕舉動其兼行私意則有譏矣。獨其示譏意微。尤當取季孫氏之往而參之前成公繼宣公立。魯之季孫行父與宋之華元並以正卿執政。四年春宋公使華元來聘。八年春宋公

又從華元來聘。皆為然也。九年春二月。伯姬歸于宋。夏。季孫行父于宋。致女。胡傳謂致女使卿。非禮也。魯顧能以。與強行父乎。亦由宋華元來聘者再遂與季孫行父相。結而行父亦欲假如宋致女以固華元之交焉耳。據此以。推今季孫宿之借端如宋。雖與其父季孫行父之如宋致。女事有不同。而其意之欲固私交。或為親宋華元。或為親。宋向成者。則前後一心也。此。而并為春秋所譏。復何疑焉。

# 二十有一年

## 正月公如晉

魯公三年。晉悼公會諸侯。同盟于雞澤。遂稱伯。諸侯。有主之禮。故四年冬。公如晉。五年春。公至自晉。始朝。也。自往之朝。有不待五年。無過于五年者。故八年春正月。公如晉。再朝也。十二年冬。公如晉。十三年春。



晉侯我使守其邑。於邾馬耳。是時公猶在晉。傳特謂守  
臣季孫宿。不于庶其之。竊邾邑以來。輒以公姑姊妻之。皆  
有陽干其從者。此于魯則擅命。無君于邾。則主藏納叛。季  
孫宿時將然為之。而不顧。豈自料邾之漆間。邱必將終屬  
魯。再然取後之邾。并我來奔。以思其故。是殆由邾子之有  
得于庶其而殺之。而并我適乘其間以逃耳。彼所為漆間  
時者。不猶然邾邑哉。季孫宿執政于魯。惟所欲為。如今之  
昭。庶其而利其土。必歸虛妄。及當并我以牙身來奔。又將  
昭。庶其而利其土。必歸虛妄。及當并我以牙身來奔。又將

# 夏公至自晉

# 秋晉欒盈出奔楚

管見昔晉昭侯封其叔成師于曲沃。靖侯庶孫欒盈相之。  
成師號桓叔。其後益強盛。至武公稱遠并晉地而有之。始

都翼。今平陽之翼城是已。翼都舊名唐。其桓叔所封之曲沃。地大于翼。殆有裂以賜樂。賁之後。為食邑者。故樂氏世居曲沃。自魯成公以來。樂書初見于經。次則書于樂厲。又次則此稱樂盈者。為厲子也。以今襄公二十一年秋。出奔楚。其出奔之故。據左傳云。樂厲娶晉士句之女曰樂祁。生盈。與十四年。荀子士鞅與厲從伐秦。厲弟鍼恥于遷延無功。與士鞅馳秦師死焉。士鞅反。樂厲怨士句欲殺鞅。鞅奔秦。後歸。又與厲子盈同為公族大夫。仍以先之亡也。怨樂氏。而與盈不相能。及樂厲卒。樂祁與室老州賓通。盈患之。祁懼討。乃慙于其父士句曰。盈將為亂。恐害于主。士鞅為之微。樂盈好施。士多歸之。士句畏其多士也。信之。乃使盈城晉之蔣邑。而逐盈。盈出奔楚。士句遂殺其遺。黃淵。嘉父。司空靖。祁豫。董叔。祁師。申師。羊舌虎。叔羆。囚伯華。叔向。籍偃。皆晉大夫。按士氏之與樂氏。以姊妹媾而成仇讐。則逐一樂盈。猶可言也。若晉之諸大夫。士句。輒殺其十人。囚其三。人。而晉侯若罔聞知惡。可信乎。且先之言樂祁好淫。善諧。

亦恐近誣。唯中稱樂盈好施，士多歸之。是蓋其所憑以植  
亂黨者。與再觀之國語所載，與左傳不同，則獨謂樂盈之  
出奔楚，由晉平公用其大夫陽畢之言而逐之。當以此為  
得其實。國語首稱平公六年，即茲襄之二十一年也。乃突  
指名其大夫箕遺黃淵嘉父作亂，初不詳其所因，必為其  
黨于樂氏，欲為樂盈報怨于士。句及鞅使樂盈傷，不知而  
無與于事。惟率其黨以攻士氏于其居耳。而士氏能禦之，  
乃不克而死。其不至死者，尚有知起中行喜、州綽、邢蒯，皆  
晉大夫。及後冬十月，會于商任，以錮樂氏。左傳亦列數之。  
于時晉侯聞亂，其子亂黨之不至死者，能無議逐也哉。乃  
即語其大夫陽畢曰：自穆侯以至于今，亂兵不輟，民志無  
厭，禍敗無已。恐及吾身，若之何？唯彼陽畢者，前蓋私于士  
氏之句鞅父子，而欲助之以逐樂盈者也。故對曰：逐羣賊  
而亂本，猶樹難必。不已，公曰：子寔圖之。陽畢曰：國之威權  
在君，君能擇賢人之後，有常位于國者而立之，亦能擇逞  
志虧君以亂國者之後而去之。民心知其欲惡，則莫思亂。

矣。今夫樂氏之誣晉國者，久樂書實覆宗而赦厲公以厚其家。若乘此亂以滅樂氏，則民威而國可安。公曰：樂書立吾先君，樂盈不獲罪，如之何？陽畢曰：凡正國者，將為長久計，必使其權之行遠也。若欲行權而後以私恩隱蔽其有罪者，則權陷于私，何以行政？政不行，何以道民？民之不道，亦無君矣。君其圖之。因是晉侯許諾，盡逐羣賊，而使中軍尉祁午及陽畢適曲沃，而還樂盈，樂盈出奔楚。

九月庚戌朔日有食之冬十月庚辰朔日有食之

晉見日有食之。其子一年而連月見者，惟今襄公二十一年之九月十月與夫二十四年之七月八月耳。日食之失常，此為尤甚矣。春秋書之，凡月之朔日及朔日之干支皆不若他處之間用省文，則亦因致詳以示加謹之意也。與



# 曹伯來朝

管見曹伯武公滕以襄公十八年嗣父負芻立。二十年晉會諸侯盟于澶淵。公與曹伯皆與。既見之矣。及茲二十一年冬而來朝。其殆因澶淵之盟以固修舊好于魯與魯自文公十一年書曹伯來朝。十五年又書曹伯來朝。皆曹伯共公之子。文公壽也。壽卒。子成公廬立。以魯成公之七年來朝。至十七年而從晉伐秦。曹伯廬卒于師。其庶子負芻殺世子而篡立。晉以諸侯同盟于成。執曹伯負芻歸于京師。後復自京師歸。在位閔二十三年。及今襄公之十八年冬十月。會晉侯同。圍齊亦卒于師。其前未嘗有以曹伯來朝者。子成公滕立。忽以此年冬十月來朝。則謂其念先君負芻之于宗國曠禮。乃因諸侯之邦交有世相朝之制。遂欲將幣于魯。以續修成公中斷之舊好焉。可也。春秋書此。蓋善之耳。汪氏謂曹武公即位三年而來朝。是喪畢入見天子之時也。不朝于京師而朝于魯。因曾是以此。

禮乎。然曹無所畏。于魯而亦朝之。何能竟決其下。明王耶。凡諸侯之嗣君朝王。本為常禮。經文簡約。于常事例不悉書。

# 公會晉侯齊侯宋公衛侯鄭伯曹伯莒子邾子于商任

管見此年冬公會晉侯齊侯宋公衛侯鄭伯曹伯莒子邾子于商任凡在去年夏之盟于澶淵者。僖子薛伯杞伯小邾子不與焉耳。左傳云會于商任。細樂氏也。秋樂盈出奔楚。此復謀有以鉅之。將如之何。按國語稱陽畢之欲晉侯滅樂氏者。誅滅之也。以晉侯不能忍。乃曰君若愛樂盈則明逐羣賊。而以國倫數而遣之。羣賊盈之黨也。倫理也。繼曰厚戒成于國以待之。箴猶勅也。待備也。繼又曰彼若求逞志而報于君。罪孰大焉。滅之猶少。少輕也。其卒則曰。

彼若不。敢而遠逃。乃厚其外交。而勉之。以報其德。謂賂其所適之國。厚寄托之。而勸勉焉。此謀所為。錮樂盈之黨耳。而其用。以錮樂氏者。亦猶是矣。許氏韜曰。樂氏之出。皆以權。門私相忌怨。而平公受其激怒。勦動諸侯。以逞士句及鞅之積憤。必欲樂盈無所容于世。故及年餘。而樂盈復入于晉。入于曲沃。凡皆以私敗公。致興禍亂。是為古今之大戒也。商任杜注。地闕。按明年冬之會于沙隨。亦為錮樂氏耳。沙隨宋地。在今寧陵縣西六里。屬河南歸德府。意宋都商邱。亦或有別邑名商任者。與沙隨俱在其境內也。今晉以錮樂氏兩會諸侯。不亦當同定其所于宋地乎。又路史國名紀。任國本黃帝之宗。倉頡嘗為任大夫。春秋時屬晉邑。今邢之任縣是已。任姓後分十六國。亦見國名紀。宜此。外更有封于宋地而號為商任者。與是不可考矣。附論于此。

二十有二年

春王正月公至自會

夏四月

秋七月辛酉叔老卒

管見高火閔曰此叔肸之孫聲伯之子其子弓嗣為大夫是為子叔敬子按聲伯即公孫晏齊叔老一稱子叔齊子春秋于世大夫雖不加識與者亦獨書其名氏而已他如生前之字與卒後之謚皆削之立義最嚴較之傳文迎別

冬公會晉侯齊侯宋公衛侯鄭伯曹伯莒子邾子薛伯杞伯小邾子于沙隨

管見此年冬公會晉侯齊侯宋公衛侯鄭伯曹伯莒子邾子此既足當商任之會矣而又從以薛伯杞伯小邾子其

于二十年之盟澶淵者。惟缺一滕子耳。以是而會于沙隨。左傳指為復錮樂氏。乃正得其情者。去年冬會于商任。傳稱知起中行喜州。絳邢劓出奔齊。皆樂氏之黨也。齊侯先容之。此年秋七月。傅復稱樂盈自楚適齊。必因其黨在齊。猶可恃以掖樂氏而復歸于晉也。而齊侯報又納之。其意殆由十八年冬十月。晉以諸侯同圍齊。入自平陰。遂長驅偪齊都。盡焚其郭。且東侵至濰。及沂。積怒甚深。而未有以報之。及茲。乃欲縱樂盈復歸。以為亂于晉。而齊乘其亂以伐之。庶得于晉。大有所挫。劓耳。是時晉侯聞樂盈在齊。其亂黨之亡命于齊者。復相依附。或至煽動齊侯。使之不克終于錮樂氏也。因即是冬而復會諸侯于沙隨。以申商任之前約。亦獨冀齊侯之于樂氏。錮之甚堅。俾得待罪于齊。而絕迹于晉。如是而後已焉。然爾日之齊莊晉平。其講好方新。而皆主于行其譎詐。晉初以不伐其喪。市假義于齊。而齊亦旋以不却其盟。售偽交于晉。此足知其既盟澶淵以後。繼以會商任。及茲沙隨。齊侯光恃貌從而心違之。以

故。此年冬。樂氏在齊。而齊侯坦然出而會晉。一似絕無  
牽。王樂氏者。及明年夏。樂氏復入于晉。入于曲沃。而齊  
又惛然出而伐晉。乃實大有所助于樂氏者。然則  
晉之謀錮樂氏。一會商任。再會沙隨。胡為也哉。

## 公至自會

## 楚殺其大夫公子追舒

〔晉見〕楚大夫公子追舒。以公放為令尹。當此襄之二十二  
年冬。康王殺之。傳謂楚觀起有寵于令尹公子追舒。未益  
祿而有馬數十乘。楚人患之。王討焉。而殺公子追舒。丁朝  
輟觀起于四竟。按殺為重辟。輟為極刑。徒因令尹之寵觀  
起一人。遂爾殺之。又即舉觀起之恃寵于令尹而多納馬  
遂爾輟之。楚雖以法作威。康王何遽淫濫乖常。若此。且傳  
于二十一年夏。乃稱楚子使子南為令尹。子南即公子追  
舒也。為令尹者。終閔歲餘。而及此二十二年冬。則其寵觀

起而縱之。招權納賄。使人莫窺其藏。而指馬以徵之。亦難確信其事之實有矣。竊嘗就各傳之言楚事者。參互以通其意。蓋此書楚殺其大夫公子追舒。非楚之因其有罪以正法。乃公子追舒之為令尹。懼其將不免而自戕焉。國考康王以襄之十二年立。十四年秋。楚公子貞帥師伐吳。為度其不能與晉爭鄭。乃特有事于吳也。及十八年冬十月。晉會諸侯同圍齊。鄭伯從焉。于是楚欲乘其虛。而以公子午伐鄭也。其先則傳稱楚子使人謂公子午曰。國人謂不穀主社稷。而不出師死。不從禮。不穀即位。于今五年。師使不出人。其以不穀為自逸而忘先君之業矣。惟大夫圖之。公子午聞此。恐其以懷安被嚴譴也。乃弗獲已而伐鄭。亦無功而還。二十一年夏。公子午卒。楚子使蓮子馮為令尹。子馮訪申叔孫。叔孫謂國不可為。遂以疾辭。方暑。闕地下冰而馬重繭衣裘。鮮食而寢。楚子以醫視之。復曰。瘠甚。乃使子追舒為令尹。夫此楚令尹者。位尊任重而尤于軍功核之最嚴。有事而敗績不死。必無赦。或父而

不親我族。則又以致命于社稷。傷之。彼公子追舒。說令尹。雖只歲餘而已。殆不堪。楚子之間。于前。偪公子。午。而自言。又悔其使為令尹。時不及比。于早計之。遂子馮。而辭以疾。則其大懼罪戾之及身。有頓忘乎生之可戀。而死之足憤者。旋或酖或繼。而詭稱暴病以終焉。是則楚大夫公子追舒。雖楚子固未嘗殺之也。而楚子之使為令尹。則足以殺之矣。故書曰楚殺。按前楚子共王。嘗在位。公子申為右司馬。公子壬夫為令尹。襄公三年冬。書楚殺其大夫公子申。五年秋。又書楚殺其大夫公子壬夫。皆以其自殺也。而書楚殺。與此正同。說見前本條下。

## 二十有三年

春王二月癸酉朔日有食之

三月己巳杞伯匄卒



管見杞雖夏後而國微。自杞桓公之女為悼公夫人。于晉成婚姻之國。諸侯皆加禮焉。故杞伯在魯。成公以前未有書其卒葬者。及襄之六年春。杞伯姑容卒。秋。葬杞桓公。于是始書其後。考公勾立。在位凡十七年。謹事晉之悼公。及令平公。其于晉之合諸侯以會盟。與其伐國。有微必應。無役不從。值茲襄之二十三年卒。晉及諸侯使弔之。比葬亦皆使會其塋。故春秋得于此年春。書三月己巳。杞伯勾卒。及夏。書葬杞孝公。有不減于前之杞伯桓公姑容者。

# 夏邾界我來奔

管見先之二十一年春正月。邾庶其以漆間邱來奔。界我為之黨。雖其身未來。而邑則使庶其以之來矣。故有漆間邱二邑焉。及茲己三年。邾子必得討其竊地叛君之罪。庶其不知所終。蓋誅之也。而界我則乘間狡脫。以是而來奔耳。

葬杞孝公

陳殺其大夫慶虎及慶寅

陳侯之弟黃自楚歸于陳

管見前二十年之秋。陳侯之弟黃出奔楚。由陳侯弱其卿。慶虎慶寅專公子黃欲問之。二慶畏其仇。乃怒黃于楚。謂其與蔡司馬公子變同謀事晉。楚討責陳。公子黃乃出奔楚。以中理。及茲四年。而楚不使召二慶質之。二慶直事。值比年夏。陳侯如楚朝。公子黃復愬二慶。楚子召之。二慶不來。而使其族慶樂來。楚子殺之。慶氏據陳以叛。楚子因使屈建從陳侯圍城。二慶治城以拒陳侯。城者板墜。慶氏怒。輒殺築人。其役徒乃相命為亂。各殺其長。遂殺慶虎慶寅。楚人納公子黃。事具左傳。據是以求經旨。二慶之殺。止稱陳。不以功于楚也。二慶同時殺。而又以及字問之。殆以慶

寅走匿。陳人復追捕而殺之。與至公子黃自楚歸于陳。必仍稱陳侯之弟者。則以其弟既歸而陳侯之歸可不待悉言耳。

# 晉欒盈復入于晉入于曲沃

管見按經文先書晉欒盈復入于晉。則非先入于曲沃可知矣。其復入于晉者。以何為欲從晉都攻殺士匄及鞅于其居。以報怨耳。欒盈前好施而得士在齊。有知起中行喜州綽邢蒯之徒。在曲沃有守宰胥午。及族人欒樂欒魴與其邑人。至于常所左右。則又有力臣督戎。並見傳。彼欒盈入晉之謀。必先潛為約。警啟匿晉郊。乃一旦駢集。而以重入晉都也。然士氏之勾執父子。既能得大夫陽畢說晉侯以逐欒氏。又能得晉侯一會諸侯于商任。再會諸侯于沙隨。以錮欒氏。則當欒氏自齊入晉。其踪跡詭秘。與閭通豈復來由。偵知其實哉。惟是備其入晉者。如傳利奉公。以

如國宮必無害也。此正士句所早自籌定。固不待樂王解  
之言而始決矣。蓋因宮為前晉襄公之宮。有董觀守衛。士  
句欲因以避患。而擬乘急以告樂盈之入晉。實怨公之逐  
之。遂托于以身從公而衛公之患也。如是則使樂盈入晉  
之罪為益重。而晉人之共援公以擊樂盈乃益力。馬而樂  
盈則何知乎。當其復入于晉。聞士句在公所。振不顧而偪  
公宮。傅稱士氏之徒在莖後。樂氏乘公門。士句謂鞅曰。矢  
及公屋。死之。鞅用劔以帥卒。樂氏退。鞅攝句戎車從之。遇  
樂樂或鉤以戟。斫死。樂魴傷。樂盈奔曲沃。其得入于曲  
沃者。力臣督戎已先為裴豹所殺。于時蓋齊午帥其邑人  
與知起中行喜州緡邢蒯  
擁之以入焉。爾晉人圍之。

## 秋齊侯伐衛遂伐晉

「管見」此年夏晉樂盈復入于晉。入于曲沃。由齊驪之使歸  
以亂晉。乃即于秋大舉乘其亂而伐之。欲報前此十八年

冬。晉會諸侯同圍齊之怨耳。然齊侯先以伐衛為名。如無意于伐晉者。然及至于衛。而齊侯遂伐晉。殆亦軍謀有出其不意。攻其無備之說。道欒若夫伐晉所至。左傳謂其既取朝歌。乃為二隊入孟門。登太行。張武軍于焚庭。成郭郛。封少水。以報平陰之役。乃還。攻其地名。唯朝歌太行有可微。至云孟門為晉隘道。司馬貞曰。在朝歌東北。其他焚庭郭郛。但通指為晉邑。又所言少水。即濟水。在開封密縣古鄆城西北。皆地志所不悉載。為總其大畧舉之。如今河南之衛輝懷慶並山西之潞安澤州境。同在晉都之東者。齊師皆肆其充斥矣。而晉方以樂盈之亂入據曲沃而圍之。則恐齊師報怨必效晉之前。偪齊都而盡焚其郭且或分兵以解曲沃之圍而出。樂盈也。乃不以外禦齊師為務。而特以內固晉都為主。于時齊師亦防其以怯誘敵不敢更求深入。乃振旅而還耳。及其還將出晉境而傳末復綴稱建旗之子趙勝帥東陽之師以追齊師。獲晏楚。東陽杜注晉之山東魏郡廣平以北。今肅清州恩縣西北六十里有

東陽城。此于齊之西。郛最近。齊侯伐晉。晉師皆不出。特使趙勝伺其還師時。即帥東陽之師追之。使知晉之邊陲。一小邑。其果銳亦不可常有。如此。且追之而復晏楚。在齊之世。大夫晏楚為晏弱之子。晏嬰之弟。而適為趙勝所帥。東陽之師。復之。又豈不足借以承羞于齊侯也哉。

## 八月叔孫豹帥師救晉次于雍榆

管見雍榆杜注。晉地。汲郡朝歌縣東有雍城。郡邑志。黎陽縣有雍城。即古雍榆也。今雍榆城在濟縣西南十八里。按濟縣今屬衛輝府。瀕大名府界。大名東北為今臨清州。晉之東陽在焉。然則此年八月叔孫豹之帥師救晉。次于雍榆。蓋由齊侯之伐晉者已退。晉侯陰令其子特出晉境。時以師追之。故既使趙勝帥師。臨清東陽之師而復使魯師次于濟之。雍榆以為助。因是而叔孫豹領此役耳。汪氏克寬曰。後昭公十三年國語記晉人執平子。子服惠伯見韓宣

讀春秋管見 卷十

襄公二十三年

二十七

子曰昔樂氏之亂齊人聞晉之禍伐取朝歌我先君襄公不敢定居使叔孫豹悉帥敝賦踣跛畢行無有處人以從軍吏次于雍俞與邯鄲勝擊齊之左軍荷止晏萊馬齊師退而後還則叔孫豹非無功于晉也此說獨為得實其雍榆作俞雖損備旁而字可通用至晏萊之楚與萊異文而傳注亦以萊為萊音則是為一人可知矣但此舉為追齊師而獲晏楚原係晉侯無聊之極事春秋一切畧之可也乃不屑計及晉之趙勝而猶必指出魯之叔孫豹者亦特以帥師救晉為善名未容盡沒而已若夫次于雍榆之後從趙勝之共追齊師共獲晏楚其功豈足云哉

己卯仲孫速卒

晉見按仲孫速卒其後則立羯也夫羯以此介秋立其明年春即書仲孫獨帥師伐齊是必嘗以勇見較其兄孺子秋為強有欲為父後之志于是仲孫之御臨豐點阿于羯而後言之然非假力于季孫則勢不行故豐點為之因公

祖以啟季孫也。公鉏本季孫長子。雖廢而繼其父命。季孫  
喜。特由馬正而白為公左宰。其進說當易入。雖時季孫亦  
欲羯為速。後猶夫已之廢公鉏而立悼子。特擇其才焉耳。  
且季孫為政。將謂羯之才而繼為卿。必以舍秩而立之為  
德。即復樂供其任使也。彼明年春之帥師侵齊。非其證與。  
如謂不然。仲孫速初雖不為後計。以速同于季孫。及其疾  
而豈得無言乎。是必嘗命立秩。而其欲改立羯者。因其既  
卒而背之。且直誣為速之本命立羯也。又左傳詳記仲孫  
氏之立羯者。以為己卯仲孫速卒。公鉏奉羯立于戶側。季  
孫至入哭而出。曰秩焉在。公鉏曰羯在此矣。季孫曰孺子  
長。公鉏曰何長之有。惟其才也。且夫子之命也。遂立羯。秩  
奔邾。據此推度。當是季孫先授意于公鉏。而令其于夫時  
為此問答。故爾。若其事寔由公鉏專主。當季孫問秩。公鉏  
謂羯在此。遂可聽其立羯乎。至季孫言孺子秩長。而公鉏  
特指羯為才。並假稱速命立羯。遂可聽其廢秩而迫以奔  
邾乎。若然。則公鉏之力直倍于季孫。而猶不嘗矣。其何能



深信而  
不疑也

# 冬十月乙亥臧孫紇出奔邾

管見八月己卯仲孫速卒其廢孺子秩而立羯者季孫主之而使其子公鉏成之故仲孫速之卒莖公鉏皆治其事馬初公鉏之廢與今孺子秩同由季孫愛悼子而欲立之也先嘗訪于申豐者再皆不從及訪于臧孫紇則使季孫飲大夫酒已為客既獻命北面重席新樽潔之公悼子降逆之大夫皆起至旅而台公鉏使與之齒而廢立遂定公鉏怨臧孫銜之及是而季孫欲廢仲孫之孺子秩以立羯公鉏為仲孫治其喪見臧孫紇之入哭甚哀多涕仲孫素惡臧孫則以是為特傷孺子秩之奔邾而不及居喪故然乃遂誣臧孫紇之于仲氏將謀逐羯而召孺子秩大與季孫觸忤即以激怒季孫而使逐臧孫也事詳傳中按傳辭首稱孟氏閉門告于季孫曰臧氏將為亂不使我莖其間

門之故。則謂臧氏將以私甲入仲孫速之門。欲逐羯于夷  
次。而召孺子秩于邾。使為喪主。乃得葬焉。以是直剋其將  
為亂而不使我葬耳。其時季孫不信臧孫聞之。戒臧為備  
也。即戒其家之甲以備季孫之攻臧氏也。已失計矣。傳復  
稱冬十月。孟氏將辟。將除于臧氏。辟穿藏也。將莖仲孫速  
而復借人于臧氏以除莖道。宜識役之不給而出此哉。亦  
欲使臧氏聚徒于道。即可引為將作亂之徵也。而臧氏遂  
使正夫助之。除于東門。甲從已而觀之。正夫為隧。正掌徒  
役者。得為臧氏所使。則聚徒必眾。其自家至東門往觀。亦  
明其無嫌于仲氏而已。而復以甲從已。與前之戒于家為  
一心。蓋失計矣。仲氏乃乘此又告季孫。度必謂其聚徒東  
門。名為助除莖道。而其甲從已而觀之。即將還自東門以  
攻仲氏之門而作亂也。季孫信之。即命攻臧氏。蓋攻之于  
其家耳。以故臧孫出在東門。不敢歸。猶然以甲從已。遂斬  
秩。先存邾。因而從之。鹿門杜注。魯南城東門也。

# 晉人殺欒盈

晉見左傳晉人克欒盈于曲沃。盡殺欒氏之族。黨欒魋出奔宋。書曰晉人殺欒盈。不言大夫。言自外也。杜注自外入而犯君。非復晉大夫矣。按傳注皆確。

## 齊侯襲莒

管見襲莒之役以前之十八年。莒子同國。齊故爾。杜注春秋書襲者。此特筆也。不再見。輕行而掩其不備。曰襲。按禮記玉藻服之襲也。充美也。注充美猶云掩塞其華美也。然則謂襲莒之襲取掩義亦足以借證矣。但此條書旨。須重讀齊侯二字。左傳載齊侯還自晉。不入國。遂襲莒。門于且于。且于為莒邑。齊侯乃自門焉。因之傷股而退。是不當特書齊侯襲莒以為人君之大戒哉。至于從齊侯之大夫有杞殖華還。一號杞梁華。同傳言二子遇于莒子。莒子故而

伐之。殺杞。他書亦或以為戰死。其于華周。則不詳所終。唯孟子書中。由齊人淳于髡。與言華周杞梁之妻。善哭其夫。則二子之從齊侯。襲莒。其時以戰死可知矣。然齊侯既傷其股。彼二子之戰死。固其分耳。更何俟。並加稱說焉。

## 二十有四年

### 春叔孫豹如晉

晉見前之二十年夏。晉平公會諸侯。盟于澶淵。則以為得比于悼公之同盟于維澤而成霸矣。于時魯亦因其十八十九二年。晉能為魯報齊。且報邾。遂以朝主事之。凡爾今五歲而朝三歲而聘。故二十一年春正月。公如晉。始朝也。及茲二十四年春。距公之朝時。已經三歲于伯令當聘。乃特使叔孫豹如晉聘耳。不得牽引他故為辭。

### 仲孫羯帥師侵齊

讀春秋管見

卷十

哀公二十四年

三十一

管見

左傳謂仲孫羯侵齊晉故也。高氏閔申之曰：齊之伐

晉，魯使叔孫豹救之。次于雍榆，無功于晉，故仲孫羯至此。

復帥師侵齊，為晉報焉。蓋惟晉之疑也。按叔孫豹之救晉，

次于雍榆，本由晉令。其後會趙勝、東陽之師，追齊師而獲

晏釐，何謂無功？惟其功不足稱，故事見于傳，而經則畧之。

夫魯既以救晉追齊師，獲晏釐，是克如晉令矣。又何懼于

晉之疑，而必復以今年之侵齊為晉報哉？竊意去年冬，齊

侯襲莒，莒在魯之東南，鄙齊侯傷股而歸，或取塗于魯境，

以趨使捷。其師不利，在莒無所剽掠，亦或過魯而不能蕞

其繹騷，乃特使仲孫羯帥師以往伺其所止舍之處，而侵

之與用，侵于齊地同。有必使之狼奔鼠竄而後已焉者，是

乃此年所書仲孫羯之帥師侵齊也。至于仲孫羯方削

父在喪而輒用之以帥師侵齊，則季孫之志也。前之十六

年，傳云：齊侯伐我北鄙，圍成。孟孫子速微之，齊侯曰：是，好

勇，去之，以為之名。速子羯殆有父風。季孫以為才，值去年

仲孫速卒，季孫主于廢，子羯而立，亦即今年春，專令

帥師侵孤。國莫其急。有以自見。而為之名也。云爾。

# 夏楚子伐吳

管見襄十四年。楚子昭初即位。改元。是年秋。即使其令尹公子貞帥師伐吳。蓋以先君之不得志於北方。由吳踞楚東。不能無所牽掣耳。其公子貞伐吳之師。傳稱吳人自郢舟之隨。要而擊之。楚師不能進。因是無功而還。未幾公子貞卒。公子午為令尹。襄十八年。使之帥師伐鄭。亦無功。詎得謂其能任伐吳耶。二十一年。公子午卒。使蓬子馮為令尹。蓬子馮以國不可為。偽疾辭之。乃使公子追舒為令尹。二十二年。公子追舒懼而自殺。其書楚殺者。以楚令尹位尊任重。於軍功核之最嚴。亦怵於楚子將使伐吳。終不免以敗績而至。殺無赦耳。於是楚子復使蓬子馮為令尹。蓬子馮不得更辭也。及茲二十四年。楚子還計十年。中易令尹者凡四人。率與前之公子貞未有以異。故此年夏之伐

吳則欲自將以督令尹及其士卒將使之無可遷延退縮以期必克也然春秋亦但書伐吳而止其卒之無功而還者以視前公子貞之帥師伐吳又吳以異乎至其無功之故傳稱楚用舟師不設軍政是殆不然吳習於水其舟師當較楚為盛且楚以舟師伐吳必將出江漢以直趨吳都矣楚其敢遽謀深入若此耶今借觀明年秋楚屈建帥師滅舒鳩冬十二月吳子遣伐楚門於巢則知楚子之伐吳仍從陸路出舒巢以東耳必無用舟師者若夫楚之軍法最嚴凡軍帥敗績如前城濮之大夫得臣鄢陵之大夫公子側皆無活理則所以處士卒者可知於此而謂其軍法廢而不設竟無賞罰之差惡可信乎總之楚非吳敵爾口之勢固然也吳自太伯以來十九世壽夢立而吳始益大稱王壽夢即吳子乘乘卒立長子餘祭餘祭即今吳子過也彼楚之巢邑亦早聞吳王勇知其能軍者舊矣豈得易之以觀於楚南風不競已為晉師曠所逼卜楚之王弱又為國人申叔豫所習知當此自將伐吳其不至楚子之敗

績者曾幾何哉。但曰無功而還。個當以爲幸矣。

# 秋七月甲子朔日有食之既

舊見日有食之。有同又。謂不當食而食也。食之而既。則尤爲失常之甚。者。通春秋所書。凡三見。前桓之三年。宣之八年。此襄之二十四年。皆以秋七月食既。惟桓三年之七月朔日。屬在壬辰。其宣八年及此襄二十四年之七月朔日。則並當甲子。

## 齊崔杼帥師伐莒

舊見去年冬。齊侯襲莒。傷股而退。其大夫杞殖華還遇莒子。皆戰死。故於今年秋。齊復以崔杼帥師伐莒也。但春秋於此指言崔杼。其意欲見齊侯之先襲莒。初。不令崔杼從。及是而乃專任之耳。蓋去年冬之襲莒。由其秋之伐衛遂。



伐晉而還也。左傳詳叙其初出伐衛之師。先驅為前鋒。穀  
榮御王孫揮。召揚為右。申驅以次。前軍成秩。御莒恒。申鮮  
虞之。傅摯為右。公之戎車。則曹開御戎。晏父戎為右。成廣  
乃公之副車。上之登御邢公。盧蒲癸為右。左翼曰放。牢成  
御襄罷師。狼遜疏為右。右翼曰肱。商子車御侯朝。桓跳為  
右。大殿屬後軍。商子游御夏之御寇。往如為右。燭庸之趙  
駟乘。則四人共乘殿車也。傳之具載此者。言爾日之齊侯  
光。今舊臣不用而多任武力。有如斯焉。爾故自衛將遂伐  
晉。崔杼方諫曰。不可。臣聞之。小國問大國之敗而毀焉。必  
受其咎。君其圖之。弗聽。則崔杼雖從齊侯。其不親伐晉之  
戎事。可知矣。及齊侯取朝歌。入孟門。登太行。張武軍於葵  
庭。戍邢邠。封少水。皆由武力之臣。惟所驅役。則齊侯當以  
舊臣為不足賴也。師還。使崔杼監國。齊侯不入。乃復謀襲  
莒。以報其十八年同圍齊之怨焉。及莒邑且于。齊侯親偪  
其門。適以傷股而退。明日期戰於壽舒。其大夫杞殖華還  
亦先以武力顯者。乃載甲夜入。且于之隧。宿於莒郊。明日

# 大水

遇莒子戰，皆死。齊侯歸自莒，憤甚，急思伐之。齊難自將，因不殺已而使崔杼帥師，則仍用舊臣也。然崔杼之伐莒，傳特稱其侵莒，介根而還，經並畧之，則與齊侯之命以伐莒者殊不相副。彼崔杼無君之志，不己可概見哉。介根杜注：莒邑，城陽縣，取縣東北計基城是已。洪置計斤縣，如淳曰：斤，音基，今膠州西南五里有介根城。

## 八月癸巳朔日有食之

管見：此年以秋書大水，則秋登之穀皆為所沒沒，故於冬再書大饑，以著其災之甚也。

管見：春秋書日食之失常，未有如襄公比數年之甚者。前之二十年十月日有食之，值二十一年其日有食之者，忽隱見於九月及十月，昨二十三年二月日有食之，至此二十四年其日有食之者，復隱見於七月及八月，其七月且

主、食之、而既、彼日食失常之甚、豈得更有加於此哉

# 公會晉侯宋公衛侯鄭伯曹伯莒子邾子 滕子薛伯杞伯小邾子于夷儀

管見是年秋八月諸侯會於夷儀晉為主以視前之盟澶淵及商任沙隨之會其首稱公會晉侯即謂以齊侯者此獨缺焉則自公之來會而晉侯遂會宋公衛侯鄭伯曹伯並及莒子邾子滕子薛伯杞伯小邾子其為謀合十二國之師以同伐齊亦欲比於十八年冬之同盟齊者必可知矣夷儀舊本邢地在今順德府有衛文公滅邢則衛地也左傳云會於夷儀將以伐齊水不克此據上書魯之大水推、出、按之為確蓋十八年之圍齊入自平陰今平陰與東平州逼近禹貢於徐州稱東原底平集傳東原漢之東平國晁氏曰東平自古多水患毀焚其城然則魯有大水

之平陰。以東豈得免乎。是於師行不便。故此秋八月之會。於夷儀。晉侯本以伐齊徵師於諸侯。而師不及齊。則春秋但。以會書而止。其於傳言將以伐齊。水不克。意並具於合齊中也。

## 冬楚子蔡侯陳侯許男伐鄭

晉元自襄之十三年。楚子審卒。子昭立。十八年。晉會諸侯。同圍齊。鄭伯以師從。楚特來其成。而使公子午帥師伐鄭。卒之無功而還。及茲二十四年。楚子以蔡侯陳侯許男再伐鄭。亦因晉樂盈前出奔楚。後適齊。齊縱之復入於晉。入於曲沃。使亂晉。齊侯因其亂未定而伐之。晉不敢出。乃竊料晉勢衰替。當不能更謀與楚爭鄭矣。於是楚子自將。並令素服於楚之蔡侯陳侯許男。并力以伐鄭也。然春秋亦但書伐鄭而已。其無功而還。又何嘗有異於前之公子午哉。至左傳推原伐鄭之由。先稱齊侯伐晉而懼。將欲見楚子。是猶未得見也。而遽稱楚子使遽啟疆如齊聘。且請會。

期則何緣而致楚子之情。然若此。又楚使在齊。齊侯聞有  
晉師。遂使陳無宇從。遂啟疆如楚辭。且乞師。辭以辭其會  
之不得如期也。會楚子。猶未有期。而報使人乞師。楚之師  
可易乞乎。益不知齊侯之安所恃而若操券矣。若夫晉  
之會於夷儀。以謀伐齊。傳既解其固水而不克。則晉師當  
罷。而諸侯亦各反其國矣。及其冬。而傳又稱楚子伐鄭。以  
救齊。門於東門。次於棘澤。諸侯還救鄭。然是時。晉師既罷。  
初不待楚之救齊。其諸侯皆反國。亦無從得還而救楚之  
伐鄭也。其尤有疑者。如所稱楚子還自棘澤。使遂啟疆帥  
師送陳無宇。是楚子不獨急齊侯之難。其於齊臣亦復謹  
衛之矣。豈  
信然哉。

# 公至自會

管見晉會諸侯於夷儀。將以伐齊。水不克。是固未嘗伐  
齊也。徒會於夷儀而已。故公歸而亦但書公至自會。

# 陳鍼宜咎出奔楚

管見左傳陳人復討慶氏之黨鍼宜咎出奔楚杜氏預曰書名惡之也王氏保曰宜咎陳大夫鍼子八世孫其後在楚為鍼尹宜咎按前隱公八年鄭公子忽如陳逆婦陳鍼子送女此後昭公四年吳伐楚鍼尹宜咎城鍾離杜注宜咎為楚鍼尹即陳大夫鍼宜咎也以襄二十四年出奔楚夫鍼宜咎本為陳大夫春秋於其出奔楚而但書名是削其爵以絕之不可復稱陳侯之大夫矣此其先之黨於慶虎慶寅尚何待明言哉

## 叔孫豹如京師

管見左傳於此條哭稱齊人城邦所由來未及指明即聯言叔孫豹如周聘且賀城遷終之曰王嘉其有禮也賜之大路按邦為王城即成周之城也後之昭公三十二年冬嘗書仲孫何忌會晉韓不信齊高張宋仲幾衛世叔申鄭

國參曹人莒人薛人杞人小邾人城成周矣。此年之。城邾亦城成周而何以不書且諸國皆無有城之者齊人胡能心乎王室而自以獨力城邾哉。又是秋之八月晉侯會師於夷儀以伐齊亦阻於齊之水而不克進遂還度齊人當此雖或志期城邾以求媚於王亦莫得率其徒以犯齊境之水使之遠趨周役而遂及冬以告成也。從可知傳文之失實蓋有之矣。再觀國語所載言靈王二十二年穀洛關將毀王宮王欲壅之以太子晉之諫而止。按靈王之二十二年乃襄公之二十三年也。穀洛二水名王城之水以洛為大故成周亦稱洛邑。穀水本小而忽以去年盛出與洛相敵其激怒有闢象焉亦非其常見者。然王方欲壅之可壅則未至於汜濫難治是不成災也。故春秋不與魯之大水同書耳。由此推度則爾日穀洛之關所云將毀王宮仍非遂及毀也。彼成周之城當如故矣。曾何待齊人之城邾乎。惟是王宮有警於水既踰年他國初未有遣使以慰王者至其冬而魯特以叔孫豹如京師先之以聘因問穀洛

故即於其水之失常而不為災者以進賀焉於是王嘉其有禮也賜之大路亦卒有合於左傳之所誇稱者但王之五輅通稱大路特以寵諸侯耳而王乃假之以寵魯臣叔孫豹賜為非禮受其賜尤為非禮因是而春秋必諱之特書曰叔孫豹如京師則已也

# 大饑

晉見前宣公十年秋大水其冬青餓餓則民不聊生此歲二十四年秋亦大水其冬更苦大饑大饑則將使黎民靡有孑遺矣夫災同而被災者又與凡國君之當遇災而懼顧可以一視而不加省乎

## 二十有五年

春齊崔杼帥師伐我北鄙



管見齊侯於襄之二十三年冬。藁莒傷股而退。以二十四  
年春。師還過魯。叔孫羯復帥師侵齊。師齊侯皆欲報之。故  
於二十四年秋。既使崔杼帥師伐莒。及此二十五年春。又  
使崔杼帥師伐我北鄙也。惟崔杼前事靈公環當魯成之  
末年。與仲孫蔑會晉侯宋公衛侯邾子同盟於虛打。專政  
柄者。瀕二十年。而後靈公卒。靈公先許嬖妾戎子之請。改  
立公子牙。遂徙太子光於東。及疾。崔杼微逆光。疾病而立  
之。既卒。光殺戎子。執公子牙於勾瀆之邱。是則太子光之  
終得為齊侯者。微崔杼之力。不及此。光初即位。以襄之二  
十年改元。其夏六月。晉會諸侯盟於澶淵。二十一年。及二  
十二年。晉復兩會諸侯於商飭沙隨。齊侯光皆與焉。齊與  
晉亦云。協矣。但二十三年夏。晉有欒黶復入於晉。入於曲  
沃之難。齊侯笑。以其秋自將伐衛。遂伐晉。崔杼諫之。弗聽。  
師自取朝歌入。晉人不出。齊侯適於晉都之東境。得逞志  
焉。以為此視前之左右靈公時。晉與諸侯入自平陰。以同  
圍齊者。足相當也。師還。齊侯不入國。而更自將。藁莒並不。

令崔杼弑之。凡皆由齊侯之專任武力而廢舊臣故然耳。  
崔杼於此亦熟料齊侯之光之不可相輔以終也。因陰懷其  
志矣。至齊侯之襲莒。身傷而戰士死。收其餘卒以返。又復  
為其所侵。志在必報。而惟覺自將之犯難而行。非可常恃  
乃復以師授舊臣在杼。使得帥之以先伐莒者。蓋亦即得  
帥之以伐我北鄙與。然崔杼凶人也。既再聞齊師之捷。滿  
前能直達靈公。廢光之命而擅立之。後豈不能反從靈公  
廢光之命而徑弑之乎。公子牙之既執。已歸焉有昔魯成  
之十六年叔孫僂如出奔齊。齊之羣公子叔孫還納僂如  
之女於靈公。嬖生景公。杵臼奉之以與可矣。但有廢乃得  
驟興亦惟弑乃使卒廢。此事勢所必然。  
故是年夏五月乙亥齊崔杼弑其君光。

## 夏五月乙亥齊崔杼弑其君光

啓見此崔杼之弑其君光。其故當以殺梁合左氏傳參之。  
左氏謂崔子見棠姜而美之。遂取之。是殆然矣。其族稱莊

公通焉。數如崔氏。以崔子之冠賜人。則未必然。蓋常姜之美聞於齊。齊臣若賈舉州綽。而師公孫敖封具鐸文襄伊。僕埋者皆以勇力為公所嬖幸。逢君之惡。從於昏亂。則常姜之美亦或以告齊侯。穀梁傳謂莊公失言。將淫於崔氏。夫所稱失言者亦獨於其嬖幸之臣無所避忌。與之私語而露其情耳。於時齊別有賈舉左傳加侍人二字以辨焉。齊使嘗鞭侍人賈舉也。而又近之。常在側。崔杼謀弑齊侯。光而不獲問。侍人賈舉乃為崔子間公。殆即其將淫於崔氏之言以告崔子也。而崔子遂欲成其躬。則巨室淫肆不君之名以弑之。乃稱疾不視事。亦即使侍人賈舉偽結於齊侯所嬖幸之八人。以速齊侯之果來焉耳。因是夏五月乙亥。公問崔子疾。遂從姜氏。姜入於室。與崔子自側戶出。公拊楹而歌。據此足證莊公之於姜氏初未嘗得通也。又何至有數如崔氏而以崔子之冠賜人哉。當齊侯之歌以命姜氏也。侍人賈舉止眾從者而入。閉門。崔氏之伏甲與公登臺而請弗許。請盟弗許。請自及於廟弗許。皆曰君

之臣。忤疾病。不能聽命。近於公宮。陪臣為干。振以行衣。有  
濡者。不知二命。公踰墻射之。中股。反隊。遂弑之。此詳見左  
傳。然則初。觀殺梁。足以正左氏之誣。卒觀左氏。足以補穀  
梁之罅。不可一闕也。至於齊莊被弑。左傳稱太史書曰。在  
杵。弑其君。崔子弑之。其弟嗣書而死者二人。其弟又書。乃  
舍之。南史氏聞太史盡死。執簡以往。聞既書矣。乃還。此事  
本絕奇。易啟人惑。按王制言太史典禮。執簡記。奉詔。聽天  
子。齊戒受諫。又言太學之制。凡執技以事上者。祝史射御  
醫卜及百工。不貳事。不移官。出鄉不與士齒。至周官大宗  
伯之屬。有太史下大夫二人。上士四人。其初不與士齒者。  
及不貳事。而彌精其業。不移官。而獨擅所長。則得與下夫  
夫上士同列。從可知。古之太史。必有世守其官。以號為專  
門者。如左傳所後稱之南史氏。是已。南即為其氏也。諸侯  
之太史。其大夫士。雖卑於一朝。而數亦稍減。要必於世守  
此官之家。擇其後之肅正明練者。或授任。或備乏。皆以太  
史為通稱焉。故此年夏五月乙亥。齊崔杼弑其君光。而齊

讀春秋管見

卷十

卷之二十五

三六

之太史相繼書崔杼弑其君者。崔子先達殺三人而後乃舍一人。皆兄弟也。其何能相與以死守職。必期書法之不隱哉。是殆為南氏之子。而同奉南史氏為之父者。與南史氏不以名見。而以官係。氏稱南史氏。其為齊之良史久矣。後蓋以老致仕。里居齊郊。而其子之官太史者。凡四人。及是而書崔杼之大逆。聞崔杼直殺太史。遂執簡以往。為其既書。乃還。然則苟非既書。亦必死其舊職。而斷不容書法之或隱矣。此視前此晉董狐之書趙盾。其所遭為崔杼之肆於殺。則欲為良史。已極難。而南氏又以一父四子。皆必使在杼受惡。而不避其殺。則舉家相濟。為良史。而尤極盛也。若夫在杼弑其君。齊之臣或死或不死。左傳於死者無餘辭。而獨於晏子之不死者。曲為之辭。語意多覺未安。彙纂案云。齊莊之弑。晏嬰謂其為已死。而非私暱者不敢任。其說非是。宋之瑒閔其死。不為社稷。而孔父仇牧豈二君之私暱耶。莊公被弑之禍。嬰固早知之矣。納樂氏則以為弗能久。伐衛晉則以為憂必及。預策其必敗。以示先見。

之哲。而一旦有事。則假社稷為重。而自明其不必死。使天下之貪生而忘義者。皆得藉口以為苟免之計。畔道傷教。安可訓也。陳文子有馬十乘。棄而進之。聖人許其清。要其齊之公族。世為國卿。與亂賊並立於朝。而不聞有討逆之謀。其負慚多矣。胡氏安國以賈舉等從君於昏。不得以死節。稱引要言以證之。非通方之論也。謹錄之以昭春秋正旨。

# 公會晉侯宋公衛侯鄭伯曹伯莒子邾子滕子薛伯杞伯小邾子于夷儀

〔管見〕去年秋八月。公會晉侯宋公衛侯鄭伯曹伯莒子邾子滕子薛伯杞伯小邾子於夷儀。將以伐齊。水不克。則此年之夏五月。再會於夷儀。蓋自春秋八月。而晉與諸侯早定之矣。此會惟闕杞伯。杞既非晉所藉賴。且為晉

悼夫人之母家。雖從役之偶踈。亦不計也。晉及諸侯既會於夷儀。豈猶是去年秋之將伐齊而以水不克哉。然卒未聞其伐齊者何也。以此年之夏五月乙亥。齊崔杼弑其君光。其先君靈公有嬖妾子。為景公杵臼。崔杼立而相之。盟國人於大宮。丁亥。蒞莊公光於士孫之里。距其被弑之乙亥。終十三日。傳稱晉侯在夷儀。齊人以莊公之既弑。說於晉。使隰鉏請成。自晉侯以下。皆有重賂。志欲其定。崔杼所立之景公。而並欲使立。景公之在杵臼。終得相。景公也。晉侯許之。至秋八月己巳。諸侯同盟於重邱。景公與盟。而崔杼亦從。景公於會。是實有以成齊之亂矣。

# 六月壬子鄭公孫舍之帥師入陳

〔管見〕去年冬。楚子蔡侯陳侯許男伐鄭。傳稱其伐鄭之師。當陳隧者。井堙木刊。鄭人怨之。故於此年夏六月。鄭公孫舍之帥師伐陳。其即以是月壬子得入陳者。蓋以先之五月。鄭伯會晉師於夷儀。以伐齊未及還。而忽有鄭大夫公

孫舍之之帥師伐陳。則適出其不意。攻其無備也。因是伐陳而遂以入陳耳。入則必取。是又有不待言者在。鄭之公孫舍之亦謂足報陳師。井埋木刊之。怨旼帥師以去陳。至傅言所從入陳之處。曰宵突陳城。林注以突為穿。乃乘夜以穿突陳城而入之。諛何容易耶。及鄭師入陳。又言陳侯扶太子偃師以奔墓。遇司馬桓子曰。載余曰。將巡城。遇賈獲載其母妻下之。而授公車。乃免其狀。果至此乎。若夫陳侯既免。且言使司馬桓子賂以宗器。陳侯免為喪冠。且抱社主以示服鄭。使其衆男女別而累以待於朝。公孫舍之執馬糴而見。再拜稽首。奉觴而進。獻。欲明不失臣敬也。此等情事。可概信為實然哉。

## 秋八月己巳諸侯同盟于重丘

管見是年夏五月之會於夷儀。初無崔杼所立之齊侯也。至此秋八月己巳同盟於重丘。則統稱諸侯是實。隱以齊



侯。剛入其中矣。其盟不却齊侯。豈復議及立齊侯之從。行哉。從可知此盟之稱同。特由晉侯之意。以為此會十一國之君皆願盟。齊侯而非涉於私焉。爾。致桓公二年春宋華齊弑其君與夷。二月公會齊侯陳侯鄭伯於稷。以成宋亂。夫所謂成宋亂者。成殤公篡代與夷之亂。並成華齊弑君而復為殤公太宰之亂也。今襄之二十五年夏齊崔杼弑其君光。擅立景公杵臼而相之。其與宋之亂。庸有異乎。然前之成宋亂。猶以四國會於稷。及茲之成齊亂。則以十一國同盟於重邱。其世變將安極耶。凡經文之特書同盟。皆譏其假方伯莅盟諸侯之禮。以稱霸耳。夫欲成己之霸而誇詡同盟。既使諸侯並麗於僭踰矣。若欲成人之亂而謬托同盟。不將使諸侯羣陷於悖逆哉。故下書公至自會。與他處之因會而盟。亦但書至自會者。雖似一例。而此年之書至。言會而不及盟。則直云為公諱之可矣。蓋會於夷儀。無崔杼所立之齊侯可言也。同盟於重邱。有崔杼所立之齊侯不可言也。論春秋之例者。又嘗通變觀之。重邱杜注。

齊地案年記。聊城縣東北有重邱。襄二十五年。諸侯會盟。處聊城。今東昌府治。燕濟南府德州。亦有重邱城。或云會盟處。考經文。公會諸侯於夷儀。同盟於重邱。夷儀。今順德府地。去東昌為近。自夷儀涉齊境。則其地當在聊城。

## 公至自會

## 衛侯入于夷儀

管見夷儀為衛地。去年秋八月。晉侯會諸侯於夷儀。今年夏五月。晉侯復會諸侯於夷儀。皆為欲伐齊也。及齊崔杼弑莊公。而立景公。厚賂晉侯。晉侯遂成齊之亂。而使景公列在諸侯。以同盟於重邱矣。重邱為齊地。彼衛侯行之。出奔在齊。既經十二年。鬱鬱於此。欲使人私請於晉侯。亦以略行。特借義於狐死首邱。不忘其本。冀得乞假。晉令分剗衛之片土。以為沒身歸其骨肉之脩已耳。而猶慮密通衛都。將不免疑於二君。耦國。乃即指晉侯再會之夷儀為之。

所焉。於時晉侯愍之。其衛侯割亦以同盟。而在重邱。因之與語。殆亦無辭以謝也。左傳稱晉侯使魏卻宛沒逆衛侯。侯衛侯割與之夷儀。以處之。此出奔十二年之衛侯行。適得自齊而入於衛之夷儀也。與。

## 楚屈建帥師滅舒鳩

管見左傳云。楚蓮子馮卒。屈建為令尹。舒鳩人卒叛。楚令尹屈建伐舒鳩。吳人救之不克。師敗。楚屈建遂滅舒鳩。按舒鳩與前舒蓼舒庸皆同宗。而吳國是謂羣舒。屬今江南廬州府舒城縣地。介在吳楚之交。本為楚與國。而亦每貳於吳。是則叛也。楚乃進謀滅之。自宣公八年夏。始害楚人滅舒蓼。及成公十七年冬。再害楚人滅舒庸。值今襄公二十五年秋。又復害楚。屈建帥師滅舒鳩。於是古舒國之分踞為羣舒者。其地已盡沒於楚矣。

## 冬鄭公孫夏帥師伐陳

管見此年夏六月壬子。鄭公孫舍之帥師入陳矣。何至其冬而復有鄭公孫夏之帥師伐陳哉。蓋由陳人怨公孫舍之入陳。即於是冬。帥師伐鄭。以報其怨。而鄭乃使公孫夏帥師以伐陳焉。用其伐陳為應兵。特回陳師之及鄭境而伐之。非鄭師之伐陳者。遂至陳也。去年冬。陳侯與蔡侯許男從楚子伐鄭。介恃楚眾。則陳猶可支也。今將以報入陳之怨而獨伐鄭。夫豈鄭之敵乎。當其及鄭境而遇公孫夏之帥師以來。必却而反走也。於時鄭亦主於驅之出境。無使久淹於此。則已。遂帥師以還。由此言之。鄭師之伐陳。由陳之興師以報怨於鄭。陳何嘗先服於鄭哉。從可知夏六月。鄭公孫舍之帥師入陳。前傳稱陳之服鄭者。其辭曰。陳侯免。擁社主。使其衆男女別。而累以待於朝。公孫舍之執紼而見。再拜稽首。承飲而進獻。又稱其佐軍子產入。數俘而出。祝祓社。司徒致民。司馬致節。司空致地。乃反所載。雖甚詳。而皆未免於失實。可不待悉辨矣。

# 十有二月吳子遏伐楚門于巢卒

晉見楚滅舒鳩而厚舒亡惡其為楚與國而或於吳也舒鳩在今之廬州府舒城縣其舒城之東有巢縣者亦為廬州府屬則春秋時之所稱巢國是已巢與舒鳩並介吳楚之交舒鳩或於吳而不終與楚楚遂滅之則巢之不或於吳而惟因與楚共能不伐之乎吳子伐巢以門於巢而卒初未嘗及楚也而經文書伐楚者著其與楚為讐而因有事於巢伐巢即伐楚耳泥看則伐楚之下接稱門於巢卒語意不貫至吳子之以巢附於楚如一國然縣逞憤而伐之因至門於巢卒左傳指白所由以為巢人牛臣言於巢曰吳王勇而輕若啟之將親門我獲射之必殲是君也死釋其少安啟謂啟門親門謂親來攻門也從之吳子果門焉牛臣隱於短牆以射之卒按春秋之旨戰其君自將者君獲則師之敗績不書以君重於師也如僖公十五年冬十一月壬戌晉侯及秦伯戰於韓獲晉侯是其證矣夫前

之晉侯以戰於韓而被獲歸生無異於死則今之吳子以  
門於巢而致卒既死不可復生則書法之從君重於師而  
不書其師之敗績固一例也他若成公十六年夏六月甲  
午晦晉侯及楚子戰於郢陵楚子收績傳言昔呂錡射  
楚共王中目是雖傷而不至於死春秋猶得以其敗績書  
焉又若僖公二十二年冬十一月己巳朔書宋公及楚子  
戰於泓宋師敗績傳稱宋公傷股及二十三年夏五月庚  
寅宋公茲父卒傳亦稱傷於泓故也是雖因戰而傷而死  
在歸國數月之後春秋亦猶得以收績書焉值此襄公二  
十五年冬十二月書吳子過伐楚門於巢卒公殺二傳一  
稱入巢之門傷而反未至乎舍而卒一稱入其門門人射  
吳子有矢創反舍而卒要之其卒之日總不出乎門於巢  
之日矣然則吳子之伐楚而欲有巢雖幸不為巢人所獲  
當其卒而獲尸以歸國之凶禍莫大乎是春秋更安得舍  
此而書吳師  
敗績也哉

二十有六年

春

王二月辛卯衛甯喜弑其君剽

衛孫林父入于戚以叛

甲午衛侯衎復歸于衛

〔管見〕此前之七年為襄公二十年傳稱甯惠子殖疾召其子悼子喜曰吾得罪於君悔而無及也名藏在諸侯之策曰孫林父竄殖出其君君入則掩之若能掩之則吾子也若不能猶有鬼神吾有餒而已不來食矣悼子許諾惠子遂卒細六年為襄公二十五年衛侯入於夷儀蓋知甯殖之將死而悔其出君欲使其子甯喜復以君入而掩其罪

也。乃自夷儀使與甯喜言。甯喜曰：必子鮮在，子鮮即衛侯之弟，縛其質信於國人，故甯喜必引之。及公使子鮮，子鮮辭其母，數以強命之，不獲已，而以公命與甯喜言曰：苟反政由甯氏，祭則寡人，甯喜從之。蓋甯氏之權勢與孫氏不敵，能如公命，則甯喜足以代孫林父矣。因是而此襄之二十六年春二月辛卯，衛甯喜弑其君剽，夫剽本公立，雖以與於晉之盟，會伐圍，得冒稱衛侯，其君也。與哉！今而遇弑，則直書衛人弑剽可也。而亦必書弑其君者，自甯殖黨於孫林父，以立剽為君，事之既五年，至殖卒而喜嗣其卿，仍與孫林父相依附，以剽為君而事之。又更七年矣，然則衛之弑剽不可止，指為衛國之君而於衛甯氏之甯喜顧安得？不以其所弑者為其君也哉！甯喜之弑其君剽，果何所恃？以子鮮之質，國人信之，而甯喜引以為助，則國人之信子鮮者，皆相率以與甯喜耳。國人與甯喜，則不與孫林父，於是甯喜之弑其君剽，孫林父不能救，而尤自懼其不免也。此甯喜方弑剽，而衛之孫林父亟因之入於戚，以叛與。



成爲孫林父之私邑。稱入。謂自衛都而逃於私邑也。傳辭乃言孫林父先在成。於入字不合。其曰叛者。亦斥孫林父之入於成。仍向所弑之篡君而不顧。旋當復歸之舊君也。此時孫林父未聞其奔晉。又惡得泥傅辭而指其以成如晉之爲叛哉。是年春二月辛卯。衛甯喜弑其君剽。趙四日甲午。衛侯衎復歸於衛。凡諸侯不生名。失國則名。茲值衛侯復歸於衛。而必書其名曰衎者。若其前之出奔齊。以逮今之復歸於衛。其失國凡十二年。將使之不忘。既往之有可鑒而並以致方來之尤加警。皆憑此一書名之例。爲之悚惕激勵也夫。

## 夏晉侯使荀吳來聘

**管見**左傳晉人爲孫氏故名諸侯將以討衛。夏中行穆子荀吳來平。召公也。按襄之十四年夏。孫林父逐衛侯衎而立公孫剽。冬。荀孫宿會晉士句宋華閱衛孫林父鄭公孫盟。晉人却人於成。以成衛之亂。自是剽之篡立。既歷十二

年而伯襄之二十六年春二月辛卯衛甯喜弑其君。衛孫林父入於戚以叛。甲午衛侯衎復歸於衛。甯喜相之。彼孫林父不獲保其君。則急自全而入於戚以叛。亦非藏身之固也。其心還計前之會成以定。則之立者由晉主之。則舉今之弑。則以告於晉。即期晉召諸侯而有以討衛也。必矣。以晉自度。非能強言衛侯。衛不當復歸。不猶可直斥弑其君。則之。甯喜實當討其亂乎。於是晉為孫林父召諸侯。因以召公。故此年夏春秋書晉侯使荀吳來聘。傳叙其所由。於當時情事極審。

## 公會晉人鄭良霄宋人曹人于澶淵

晉見此會不及衛。則其為欲謀討衛可知。但首稱公會晉人。當一讀其因會而聯稱鄭良霄宋人曹人。又當一讀。然後以于澶淵三字頂上會字一串說。乃為得之。蓋首稱晉人者。人晉侯彪也。左傳實之以晉趙武。非是。觀上書晉侯

使荀吳來聘。特以台公及會於澶淵。而晉侯不至。所會者  
惟趙武。是常諱公不書以殺其恥矣。而春秋乃不諱公不  
可決其會。晉人者。實為會晉侯哉。至於人晉侯之意。則因  
其召公以及諸侯。獨為孫林父討。寧喜耳。孫林父之無君。  
欲立剽。則逐衍。寧喜之無君。欲復衍。則弑剽。皆衛之亂臣  
也。而晉侯乃謀協力於一亂臣以攻其所不容。兩立之。亦  
為亂臣者。則君道全乖。非惟不足。以主諸侯。將並不足。以  
主晉矣。可無削其爵而稱人乎。當是之時。晉侯為會于澶  
淵。自公以外。無親至者。鄭伯則使其卿良霄而已。他如宋  
公及曹伯。或舍卿而使其大夫。或雖為卿而名不聞於諸  
侯。皆莫得與鄭良霄比數。則獨聯稱宋人曹人。以綴於鄭  
良霄之後。是又因其分固宜。然非有貶也。或疑傳稱宋向  
戌可據以實宋人。而不知其失實者。亦與其以晉人為晉  
趙武皆未審耳。宋為公卿。向戌為宋正卿。宋公未嘗援於  
鄭伯。宋卿向戌豈得後於鄭卿良霄也。耶。此其不然決矣。  
惟計平公即位。當魯襄之十六年。至十八年而會諸

侯同國齊。齊服於晉。乃有二十年之盟於澶淵。是豈不謂  
得。鄭悼公之同盟於雞澤者。以振霸業哉。頃之二十一年  
及二十二年。由晉樂盈出奔楚。旋復入齊。晉侯兩會諸侯  
於商任沙隨。以錮樂盈。晉之不競已可概見矣。因是二十  
三年。樂盈復入於晉。入於曲沃。晉亂。齊侯乘其亂而伐晉。  
晉人不敢出。其帥師救晉者。惟魯一叔孫豹。他無聞焉。諸  
侯不皆稔知晉之失霸矣乎。至二十四年。晉欲報齊而會  
諸侯於夷儀。水不克。二十五年。復會於夷儀。以卒伐齊。  
弑其君光。以說於晉。厚賂晉侯。晉侯遂聽在弑之弑者  
立君而相之。使告諸侯。皆罷師還。仲謂公使子服惠伯對  
曰。君舍有罪。以靖小國。君之惠也。寡君聞命矣。觀此君舍  
有罪之言。魯亦指其霸令之失而非之。況諸侯乎。故茲二  
十六年。晉侯以孫氏故。將討衛而召諸侯。以會於澶淵。其  
霸令遂不得行。春秋書曰。公會晉人。若不見其為晉侯老。  
以下書鄭良霄宋人。曹人。皆代其國君以來會。而宋公復  
不使卿。乃使其大夫與曹亦。有卿而特當大國之大夫者。

一例以此較前之盟於澶淵。既為大相遠矣。即通求之。盟澶淵之後。而欲比諸會商任。會沙隨。及會於夷儀。又會於夷儀。亦皆不可得也。其衰替至此。沒將不能主。晉更安望其能主諸侯哉。

# 秋宋公殺其世子痤

管見春秋直書宋公殺其世子痤。則傳稱合左師向戌及寺人惠牆伊戾者。皆阿順宋公。以構禍於世子。痤耳。蓋宋公欲改立其子佐。而廢去其已立之世子。佐惡而婉。太子痤美而狠。必宋公先有是言。合左師乃知世子之將不保。亦即謂其狠之可畏而惡之也。至於設為誣陷世子之舉。彼過宋之楚客為何人。太子之知楚客有何據。將享於野。而太子必請。宋公亦必許。誠屬何禮。皆莫得徵求其實。誰為造意。而使太子弗獲已於有此行耶。將行。太子有寺人伊戾素無寵。宋公亦知其見惡於太子。乃國請從之。執辭甚敬共。是陰黨於合左師以共傾世子者。共及伊戾至不

聞其他而獨有事於攝飲用牲加書爲太子之客盟之駘夫豈一寺人伊戾之所能辦哉合左師蓋已爲指置矣是時未審楚客果至否至而太子果享之否其從行之伊戾則弼而告曰太子既盟楚客將爲亂以求速得君位也宋公使視之則信有盟所及性持其書以告宋公問夫人與左師皆作莫須有之言以對曰固聞之宋公亦前謂太子狼狼則必不知有君父遂囚太子太子度惟佐能免我召之使請曰日中不來吾知死矣其辭蓋懼誅之甚而不能終日也合左師聞之欲遂成宋公佐之意以偏殺太子理固怙而與佐語過日中之期太子乃縊而死此其畏惡無措以計窮自經從何得以狼指目之耶太子縊佐立爲太子是足以如宋公之私志矣而其枉殺世子理則何以逃國人之公議哉觀左傳卒傳宋公徐聞太子之無罪也乃烹伊戾是欲蓋而彌彰耳何以言之宋公之殺世子合左師向戌爲謀主其寺人伊戾則於向戌爲之使也今處伊戾以極刑而向戌則置而不問亦可知宋公之

言利其殺世子彥而庇之矣。故春秋不使宋之臣得以分罪而特歸其惡於君曰宋公殺其世子彥。

## 晉人執衛甯喜

管見此年夏晉侯使荀吳來聘公會晉人鄭良霄宋人曹人於澶淵為孫氏故召諸侯將以討衛則其會為會以師矣師會於衛地之澶淵其討衛者豈不由澶淵而進至衛都而討之乎討衛為晉侯私志公亦惟命是聽他國之卿大夫又毋論矣故春秋獨人晉侯而著其討衛之執甯喜也晉侯何以獨執甯喜師必有名彼衛侯衛之復歸豈得以為罪乎惟甯喜之弑其君則有罪當問不可任其得相復歸之衛侯耳當是之時衛侯衛雖以甯喜為德終莫敢抗晉侯而匿甯喜勢必出之以悅於晉而晉人乃以執甯喜耳既執甯喜不誅亦不以歸則於何置之蓋晉侯早知衛之石惡與孫林父相依附因命石惡居甯喜之位以相衛侯衛亦即命衛侯行委任石惡而以所執之甯喜禁

錮終身已也。觀於明年夏。叔孫豹會晉趙武。楚屈建。蔡公孫歸生。即間以備石惡。而後及陳孔與鄭良霄。許人曹人以同會於宋。則知石惡為衛卿矣。再觀會於宋之後。衛殺其大夫甯喜。亦不出於明年夏。苟非石惡之為衛卿。舊黨於孫林父。而聽其唆使。又孰與謀甯喜。必使其執之。自晉而不以歸者。復冀得稽誅於衛。而噬殺之也哉。

## 八月壬午許男甯卒于楚

管見左傳。許靈公如楚。請伐鄭曰。師不興。孤不歸矣。八月卒於楚。其請伐鄭之故。以為襄之十六年。晉伐許。他國皆大夫。獨鄭伯自行。故許惠而欲報之。此殆以下書楚子。蔡侯。陳侯。伐鄭。遂牽合而為之辭耳。按前之鄭伯從晉伐許。距今已十一年。許男甯無如晉何。亦無如鄭伯何。久似置焉。若忘矣。何至一旦甚甚。輒如楚而矢捐。命乞師以伐鄭乎。竊意伐鄭為楚子之志。許男甯之與蔡侯。陳侯。其服從於楚者。特此於縣公。楚子召之。使親受教。令敗或後。與此



至楚而許男甯頌有疾。未幾日而卒於楚。是亦事之所有者。其卒時為襄之二十六年。秋八月壬午。故及其冬而楚子特以蔡侯陳侯伐鄭。許男甯則以其殞歸也。

## 冬楚子蔡侯陳侯伐鄭

〔管見〕楚康王昭即位及襄之十八年冬。楚使公子午帥師伐鄭。繼之二十四年夏。楚子自將。以蔡侯陳侯許男伐鄭。值茲二十六年冬。楚子仍自將。而以蔡侯陳侯伐鄭。特因秋八月壬午。許男甯卒於楚。故不及從之。凡皆楚子之與晉爭鄭。雖當二十八年冬之死期。浸偪而其志終未已也。夫豈緣許男甯之乞師於楚而卒將必徇其請哉。但楚子之卒有此舉。究莫能以得志於鄭也。蓋鄭之恤楚者。主於不戰而守。楚雖得逞。得掠。其何有於推敵以誇克捷乎。故春秋亦但書伐鄭而止。與前之兩伐鄭同。皆無功而還耳。

# 葬許靈公

嘗見許與蔡陳皆從楚。則許男甯之卒。諸夏自蔡陳而外。當無會其葬者。而此於楚子蔡侯陳侯伐鄭之下。聯書葬。許靈公。則獨謂楚子之伐鄭。而使人會其葬耳。度楚子之意。毋亦因許男甯卒於楚。特加之於恤。而致禮於葬乎。然也。葬楚子伐鄭而卒。未能服之。若直號為與晉爭鄭而與晉。夫豈足以示威於晉乎。惟惜。何為為許報鄭而死。與國。則猶可以見德於許矣。計許男甯在位四十五年。自成公時。鄭屢伐許。而許遷於葉。實賴是以國存也。及襄之三年。冬。晉荀息帥師伐許。十六年夏。晉荀偃復合叔老衛甯殖宋人伐許。鄭伯且自行以會晉師。皆許男甯之銜恨生。前沒時。未沒者也。及是冬。而將葬。楚子還自伐鄭於道中。使人會其葬於許焉。是必以其伐鄭之舉。令許之嗣君告於殯。亦即自矢為無貳。以世服於楚也。與。

二十有七年

春

齊侯使慶封來聘

管見二十五年夏齊崔杼弑其君光。立景公杵臼而相之。是時公會晉侯宋公衛侯鄭伯曹伯莒子邾子滕子薛伯小邾子於夷儀。將卒伐齊。齊人厚賂晉侯。於是秋八月己巳。諸侯同盟於重邱。以成齊亂。而景公位定。崔杼亦終相之。從可知此二十七年春齊侯使慶封來聘。特以拜重邱之同盟焉。爾於魯有聘。則他諸侯之前既同盟者。其有聘不待言矣。

夏叔孫豹會晉趙武楚屈建蔡公孫歸生

# 衛石惡陳孔奭鄭良霄許人曹人于宋

晉見左傳以此會為欲弭兵是矣但其謀出於晉趙武非由宋向戌也向戌特為趙武之使馬爾弭兵之名何緣而設蘇趙武以晉楚爭霸師旅迭興亦惡其獨尊故然若便晉霸於北楚亦霸於南無所用爭即合南北諸侯之大夫相從於會以結其好且因會而重之以盟使有信而不渝焉此視諸侯之會盟其事畧同而以大夫代諸侯之會則其事亦易集至於諸侯之大夫皆輯睦而無虞詐則晉楚一視衆端不開兵可以弭諸侯將晏然無事矣惟晉欲已乎而約與楚並霸以是為疑則不可因特倡其名曰弭兵也其弭兵之說謀之自晉若即使晉臣以告楚一似晉不敢與楚爭而乞和於楚者然乃緣宋有左師向戌善於晉趙武亦善於楚令尹屈建於是趙武使向戌如楚告之度楚之必許也亦即使之轉告於陳蔡許之從楚者並周告於鄭衛曹魯之從晉者皆不煩諸侯親至獨遣其大夫

來會而已其會所先定於宋所來告之向戌即為之地主云以故此襄之二十七年夏叔孫豹會晉趙武楚屈建是將推以共主盟之大夫也其他大夫之著聞者則有蔡公孫歸生衛石惡陳孔奐鄭良霄惟許曹之大夫較微乃五人之以是而會於宋宋向戌固必其外交趙武以宋卿而供之大夫於宋向戌獨不著者其外交趙武以宋卿而供晉役將弭諸侯之兵以為公是其志固在名也乃即直削其名以深譏之

# 衛殺其大夫甯喜

管見去年秋晉人執衛甯喜不以歸則令禁錮於衛而以石惡相衛侯矣及今年夏初未聞其釋甯喜而使復為大夫也乃忽書衛殺其大夫甯喜則大夫為前職而傳叙其殺之之由曰甯喜專公患之不亦誣乎至其指稱殺甯喜者為公孫免餘殆其人矣惟主謀者實屬黨於孫林父之石惡陰遣公孫免餘以殺之衛侯弗與知耳甯其既殺甯

善。傳末帶言石惡將會宋之盟。受命而出。衣其尸。枕之股而哭之。欲歆以亡。懼不免。且曰。受命矣。乃行。亦足借以見石惡之主謀殺。竈喜者。更巧於掩飾也。但春秋先書借石惡會於宋。乃接書衛殺其大夫竈喜。石惡何從得見竈喜之尸。耶。因是而進求一說。謂公孫免餘之殺竈喜。石惡使之乘其出會於宋之間。而後殺之。將盡泯其主謀殺竈喜之迹。則可以對衛侯而不致以讐其所德者。旋受惡也。其險狠詭譎若此。彼石惡之名惡。公羊直斥為惡人之徒。亦允。

## 衛侯之弟鱄出奔晉

潛見前衛侯行出奔齊。其弟鱄從之。經十二年。衛侯死。於為衛之君。鱄則不愧其為衛侯之弟。夫去年冬。衛侯行復歸於衛。先由衛侯使與竈喜言。竈喜曰。必子鮮在。不然必敗。子鮮即鱄也。公使鱄往。鱄辭焉。其母敬如強之。乃以公

命告甯喜曰。苟反。政由甯氏。祭則寡人。於是衛甯喜弑其君剽。衛侯圻復歸於衛。無何。晉人討衛。執甯喜。使衛石惡代之。石惡遂潛謀殺甯喜。而甯喜旋殺於時。衛侯之弟鱄亦嘗與甯喜約言也。敢不懼乎。且所懼者。又非徒以懼害而已。為衛侯之母弟。或不圖以其身免。而至從於大夫甯喜之殺。是使其母敬以大傷厥心。而衛侯益不可以為君矣。此其貽之累者。不已重與。以是莫能安於衛。而必出奔晉耳。其出奔之後。傳稱托於木門。杜注。木門。晉邑。穀梁傳云。緘約邯鄲。則木門當在邯鄲之境。今邯鄲屬直隸廣平府。距晉都極遠。距衛都仍近。是其托於木門。初非以晉為仕國矣。而木門大夫勸之仕。不可曰。仕而廢其事。罪也。從之。昭吾所以出者。為求仕也。將誰怨乎。吾不可以立於人之朝矣。遂自矢。終身不仕。凡皆鱄之依依不忘衛侯。獨永懷親愛於異國。以卒成其為弟焉。爾故春秋特書衛侯之弟以嘉之。惟傳文推叙所由。誤以殺甯喜者為衛侯。鱄特怨其無信。而出奔晉。遂至不鄉衛國而坐。誠思鱄之從衛。

侯於齊者十二年。行如一。日其心豈忍出此也哉。

# 秋七月辛巳豹及諸侯之大夫盟于宋

管見豹不氏一事再見。卒則名。此其例也。至總舉九國之大夫。必冠以諸侯者。以弭兵之說。本為諸侯約言。自當指出耳。且爾日之大夫。皆不免於專。以大夫盟。即可無用諸侯之盟。是無君矣。故春秋特指出諸侯。欲以懲大夫之無君者。使猶覺其必有君也。君臣之分。與夷夏之防。皆不可以不謹。如此年秋七月辛巳。豹及諸侯之大夫盟於宋。傳謂晉楚爭先歟。亦勢所必至。由此以推盟時之歟。血有先將盟而為載書。其國與大夫之名氏。亦有先。不寧惟是。初之自夏來會。以待盟。凡大夫在會者。之次其班位。又早有先。楚當無一不爭。晉復何一不從哉。故春秋於其始會而即正之。皆書叔孫豹會。晉趙武。而乃及於楚屈建也。趙武之與屈建。亦無足軒輊。惟以先晉後楚者。使諸侯之大夫



皆得凜然於夷夏之防焉已矣。於會有防則盟亦視此。猶之稱大夫必冠以諸侯所以明君臣之分也。於盟有分則會亦視此。皆互見也。

冬十有二月乙亥朔日有食之

二十有八年

春無冰

夏衛石惡出奔晉

管見衛石惡主謀殺甯喜。衛侯衍由甯喜而始復國。德之必怨石惡。蓋亦志於殺也。石惡知不免。乃狡脫而出奔耳。其出奔何獨於晉。因石惡之代甯喜以相衛侯。即得與於宋之會盟者。皆本晉人之故也。

# 邾子來朝

管見左傳邾悼公來朝時事也。按小國以時朝大國皆統  
稱時事是時事為常事耳。春秋例不悉書其書者必有為  
也。邾子悼公即位已十二年。值茲襄公二十八年夏其以  
時事來朝者前未嘗書而此時書之則何為乎。殆以去年  
之會盟於宋諸侯不與獨合諸侯之大夫以成晉楚之並  
霸此實從來未有之變局亦足以駭聽矣而又用會盟之  
始晉大夫以弭兵為名夫非小國如邾者之所喜與反會  
盟之終楚大夫已約晉楚之從交相見乃復為小國如邾  
者之所懼矣駭聽之餘兼以喜懼交集乃特以時事來朝  
其得就合盟於宋之叔孫約周詢爾日之情狀辭說以悉  
其詳也哉。謂晉趙武使向戌為會於宋傳稱夏五月而展  
邾悼公至則國會而盟邾子不已與叔孫約俱在宋與而  
不然也就傳推之先言戌申叔孫約齊慶封陳湏無衛石  
惡至齊慶封儕於崔杼至則必會經惡得不列其名且陳

須無為陳文子前值崔杼弑其君光惡之而去齊詳見論語此會適從何來耶不寧惟是傳既稱丙辰邾悼公至下復稱戊辰滕成公至皆莫得信為實然也凡小國之從諸侯會盟者自莒子而下則為邾子其他若滕子及薛伯杞伯小邾子皆從之經文孰不臆舉其國爵乎惟昨之二十七年夏為會於宋而重之以盟不煩諸侯故至於秋七月辛巳春秋但書豹及諸侯之大夫盟於宋絕未嘗有一諸侯參處其間邾子安得無因至前也哉邾子然則滕子可知

# 秋八月大雩

管見非其時而大雩為禱災也其禱災有二而魯之用大雩則一者蓋大雩饗帝必配以山祖田祖為神農故禱旱災而祈甘雨則必因之又神農饗炎帝故禱蟲災而祝東門夷大則亦必因之也凡蟲災莫甚於蝗所謂蟲者是矣

昔在桓之五年。書秋大雩。仍聯書曰。螽非以螽之正式而  
未衰乎。又初及襄之七年。書八月螽。猶於八年。書秋九月  
大雩。非以螽之繼起而不絕乎。然春秋更有不書螽而但  
書大雩。亦屬。螽災者。則此二十八年之書秋八月大雩  
也。按螽之為螽。其子則稱螽。螽由先秋之螽。適卵於土中。  
得煖則復生。惟其冬有雪。壓之。乃入地深。而不能出。適值  
此二十八年春無冰。則二十七年之冬無雪。尚何待言哉。  
冬無雪。是為行春令矣。禮記月令謂仲冬之月。行春令。則  
螽蟲為敗。所目為螽蟲者。當猶是宣十五年冬之螽生耳。  
然螽為蝗子。螽生即是蝗生。不必異名可也。度其終將害  
稼言之。有不速然為敗。而可先決者。彼魯之君若臣。安能  
見及此乎。是徒知其春之無冰。初不省無冰之前。其冬有  
螽潛滋。繼不虞無冰之後。其夏有螽大作也。及秋穀方成。  
螽蟲為敗。耗散下土。與旱魃為虐。正同。因是而於八月大  
雩。要亦奉行故事而止。螽域螽疾。靡有  
災厲。雖不卒書冬饑饉。胡得而免焉。

# 仲孫羯如晉

〔晉見〕左傳謂仲孫羯如晉告將為宋之盟故如楚也杜注魯晉屬故告晉而行此並據下書十有一月公如晉立言按之為確。

# 冬齊慶封來奔

〔晉見〕前當襄之二十五年夏齊崔杼弑其君光立景公而相之以慶封為左相是足知崔子之弑君而更立君慶封必與謀也故慶封亦以崔慶為一家云惟左相莫能專政慶封復欲滅崔氏而代杼焉其屬大夫廬蒲姜亦竊窺其隱徒以不得間而未發耳及襄之二十七年由杼之子崔成以有疾廢請老於崔邑崔子許之時有棠無咎為棠姜所敗入之子及東郭偃為棠姜之弟相崔氏並私於棠姜所出之子崔明為崔杼所偏任弗許成之請崔成與母弟疆

欲殺之求助於慶封。一再告。慶封應二子。二子遂殺。然  
僂於崔氏之朝。崔子怒而出。以見慶封。慶封曰。是何故。然  
請為子討之。使盧蒲嬰帥甲攻崔氏。既克。殺成與疆而復  
謀停其家。其妻姜緄而死。崔子歸。則無家矣。亦緄崔明  
未奔。慶封於是當國。夫慶封之滅崔氏。固其志也。而齊先  
由崔氏父子躬往。遠之。豈不奇哉。而不可謂奇也。方二子  
成疆之以家故告慶封。慶封語盧蒲嬰。嬰對曰。彼國之  
也。天或者將棄彼矣。子何病焉。是非凶人。亦猶有正論乎。  
及亂作而常無咎。東郭偃已殺。崔子駕將適慶封告之。且  
自祝曰。崔氏有福。止余。猶可。然則身為大逆之終。必滅門  
亦未始不先見矣。若夫慶封當國。踰年而未竟。當此襄之  
二十八年冬。慶氏繼崔氏滅。因是而齊慶封未奔也。彼慶  
封者。好田而嗜酒。以政委其子慶舍。舍謂盧蒲嬰嘗忠於  
乃父。封攻滅崔氏。欲引嬰子盧蒲癸以自衛。癸前事莊公。  
遭崔子之難。出奔晉。慶舍使反之。癸臣於舍。有寵。妻以女。  
癸復言於舍。亦反前同出奔之王何。既至。使二人執寢戈。

而先後之。寢戈為親近兵杖。而使執之。舍之命已在其常  
握矣。蓋盧蒲癸之言復王何特為莊公之被弑。慶封實當  
於崔杼。其陰欲滅慶氏者。猶是癸父。娶之謀滅崔氏。并  
以為國之讐焉。國是年冬。慶封田於萊。齊侯當嘗於太公  
之廟。慶舍蒞事。癸與王何將乘是以殺舍焉。舍女為癸之  
妻。稱盧蒲姜。乃曰。有事而不告我。必不援。告之。姜曰。夫子  
愼。莫之止。將不出。我請止之。癸曰。諾。盧蒲姜止舍。弗聽。遂  
如公。及嘗。盧蒲癸自後刺之。王何以戈擊之。解其左肩而  
死。慶封歸自田。伐及內宮。以弗克。遂來奔。夫不殺慶舍。則  
慶封不至。來奔殺慶舍。而不有盧蒲姜之言。則慶舍亦將  
不能殺。獨念盧蒲癸以壻而手殺其妻父。盧蒲姜更以女  
私於壻而啟以必殺其父。則又何其怪哉。而亦無足怪也。  
並為天之所棄而已。觀慶封之來奔。不容於魯。復奔吳。吳  
勾餘子之朱方。聚其族而居焉。富於其舊。子服惠伯謂以  
孫穆子一。天殆富淫人。慶封又富矣。穆子曰。善。人富。謂之  
賞。淫人。謂之殃。天其殃之也。其將聚而殲族。以此證諸

昭之四年。楚子以諸侯伐吳。圍朱方。執齊慶封。殺之而食。滅其族。亦如前滅崔氏之重。俘其家也。天道豈或爽哉。四據傳文所叙述。撮其要而彙論之。

## 十有一月公如楚

管見左傳云為宋之盟故陳氏傳良曰。舉魯以見其餘也。義盡乎此。

## 十有二月甲寅天王崩

管見左傳稱癸巳天王崩。未來赴。亦不書。禮也。又稱王人來告喪。問崩日。以甲寅告。故書之以微過也。按之多於情理為遠。所疑不可勝辨。而傳之為此說者。殆以下書乙未楚子昭卒。乙未距甲寅四十二日。不得同在十有二月。乃以甲寅。天王崩為誤。而臆定以甲寅先二十日之癸巳與若然。則癸巳又當屬十一月。而其書天王崩者。不惟甲寅



日誤。而其十有二月亦誤矣。日誤。月亦誤。魯史何以爲史。春秋之因魯史。又何以爲春秋耶。

## 乙未楚子昭卒

管見呂氏本中曰。此明閏月之驗。然不書閏者。承前月而受其餘日。故書閏月之日。繫前月之下。史策常體。又有定例。故不必每月發傳。此范甯之說也。杜預以十二月無乙未。日誤。孔穎達以爲甲寅乙未。不得同月。是皆不知閏月之日。繫前月之下耳。按是說較之左傳。爲得實。但查古來置閏之成法。如今時憲書所載。以六十年爲率。逆推之。至於一百二十年。初不見有閏十二月者。則又不能無疑。司更參之。竊意楚子昭卒。本在明年正月之乙未也。以楚子偕然稱王。及昭而有宋之盟。諸侯皆奔走楚廷。幾於二王矣。觀公之十一月如楚。至明年正月。猶在楚。夏五月。乃至自楚。是因楚子昭之卒。於正月乙未。故久淹於楚耳。公然則傳於此年十一月。稱公及宋公陳侯鄭伯許男如楚。蓋

其孰謂未有楚喪先有天王之喪必當舍楚而如京師也哉惟春秋則於此年十二月既書甲寅天王崩即移此後四十三日之乙未楚子昭卒書於天王崩之下所以寓尊周黜楚之意蓋深曲矣蓋惟天王稱崩崩取山象小雅天保篇頌萬壽者亦曰如南山之壽不騫不崩則壽終而稱崩非取山象而何惟山在寇崩則四方震動時當十二月甲寅天王崩遂以明年正月乙未之楚子昭卒但據日之干支睽及之使若同在於此年十二月然是則楚雖小子而式宏大其臨以天王而為之覆蓋屈服者以視山下棄捐之朽壤一撮無以別焉惡得容其苟延月餘必於二十九年春王正月乃書乙未楚子昭卒也耶

## 二十有九年

## 春王正月公在楚

言  
管見去年冬十一月公如楚欲及此年春王正月以朝楚  
子也。值楚子有疾未得朝以是而公在楚耳。俄而楚子疾  
病遂以是月乙未卒。距天王崩之二十八年十二月甲寅  
凡四十二日。楚子無王。春秋不欲其與天王會年月並書  
乃不計年月而但以日辰之必週六甲乃自甲寅下數而  
至乙未因其先後以為抗抑低昂使諸侯猶知仰奉甲寅  
天王之喪為至尊亦即由以夷  
視乙未楚子昭之喪為已末也。

## 夏五月公至自楚

管見公之往還於楚者七月矣。此年正月公在楚楚子昭  
卒。傳稱楚人使公親視及葬。又稱公及陳侯鄭伯許男遂  
莖至西門之外皆事所必有。惟去冬從公如楚之宋公以  
脫身先歸不與焉。夫魯為周公之後其國以有道稱乃不  
克奔天王之喪而以如楚遭楚子之喪其親視及親送莖  
竟無異於奔天王之喪則當此夏五月公至自楚其為已

羞忍恥者。尚可言乎。凡皆以宋之盟。故然也。然則前主是盟之。晉趙武。及成是盟之。宋向戌。皆向戌之。以楚子卒而棄盟。得奉其君。宋公以反。不至卒為楚之所屈辱焉。爾。

## 庚午衛侯衎卒

管見襄公二十六年春二月甲午。衛侯衎復歸於衛。經四年。為襄之二十九年。夏五月庚午。衛侯衎卒。子惡立。

## 閔弑吳子餘祭

管見胡傳。穀梁子曰。閔門者。寺人也。不稱名姓。閔。不得葬於人。不稱其君。閔。不得君其君也。禮。君不使無恥。不近刑。人不狎敵。不遇怨。賤人非所貴也。貴人非所刑也。刑人非所近也。舉至賤而加之。吳子吳子。近刑人也。閔弑吳子餘祭。仇之也。左氏以為伐越。獲俘焉。以為閔使守舟。閔以刀弑之。亦通怨之失也。按此近刑人及遇怨二義。足盡春秋。

示戒之旨。

仲孫羯會晉荀盈齊高止宋華定衛世叔儀鄭公孫段曹人莒人滕人薛人小邾人城杞

管見杞女為晉悼公夫人。生今晉侯平公彪。是杞乃其母家也。杞城壞。而以此年夏五月。仲孫羯會晉荀盈齊高止宋華定衛世叔儀鄭公孫段曹人莒人滕人薛人小邾人城杞。特由晉令故爾。其會中無邾人者。或以其來稍後。不及與諸國大夫同日受功。則但餘一坪以遺之故。是月之。城杞有邾人。而是月之會。城杞無邾人也。至公穀二傳。皆人之下。所以邾人參入。似與經不合。然通觀其義。經不書邾人。既可見晉人之主於城杞。其屬役之嚴急。不能待傳。

並書邾人。尤可見邾人之從於城杞。其共命之恪。謹無敢違。不亦互相足乎。惟此所城之杞。為晉平公之母家。則周所封為杞伯者。在今河南開封之杞縣。與下書杞子來盟之杞。為二耳。蓋杞子非杞伯。其國屬周以前之所封。而周亦不廢者。在今山東青州之樂昌縣。前僖公十四年。齊桓公以諸侯城緣陵。即杞子之邑也。地志亦載樂昌縣有緣陵。故城則知左傳以杞為夏餘而即於東夷者。只可指齊桓所城緣陵之杞言之。若此年晉平公之城杞。其杞為杞伯而非杞子。豈可混哉。抑尤有當辨者。齊桓之城緣陵。亦城杞也。但彼城杞子之杞。以維小國則有名。此城杞伯之杞。以為母家。則何名乎。胡傳曰。昔周平王。惟不撫其氏。而遠戍於母家。同人怨之。作揚之水。以刺焉。今晉平公會諸侯之大夫。以城杞。與周平王戍申之情。正同。據事直書。固不待貶絕而自見矣。

## 晉侯使士鞅來聘

管見左傳范獻子來聘拜城杞也范獻子即士鞅拜城杞謝魯為杞城也李氏廉曰觀拜城杞之使即私情之不足以令諸侯可知矣按經書晉侯使士鞅來聘其正義止乎此

# 杞子來盟

管見此杞子非杞伯其國在魯之東皆屬夏後則與杞伯為同族者惟杞伯之國乃今晉侯平公之母家而晉庇之遂至會諸侯之大夫以城杞魯使仲孫羯從此役焉故晉侯之拜城杞亦旋使士鞅來聘也士鞅方來聘而杞子即復來盟以來盟稱知其非魯之志而杞子之志矣杞子何志亦謂因晉士鞅以乞盟於魯盟必成盟成則與魯為好而杞庶得安耳如是則晉侯所為庇其母家杞伯者不兼有以庇杞伯同族之杞子哉度小國之委曲圖存亦弗獲已而出於此以此揭杞子來盟之志似為近之

# 孝子使札來聘

晉見此年夏五月。方書閏弒吳子餘祭。而其下書秋九月。不首以秋七月。則知吳子使札來聘。在秋前。其事與五月。不隔月矣。胡以緩於喪而急於聘。乃至此哉。考吳子與一名壽夢。有子四人。長曰過。次曰餘祭。次曰夷末。季曰札。壽夢以札為賢。欲立之。札辭不可。乃立長子過。過立十三年。以伐楚。門于巢。卒。有命授弟餘祭。欲傳以次。必致闕於季札而止。餘祭立四年。當今襄之二十九年。其夏五月閏弒吳子餘祭。其稱閏弒者。實奇而駭聽。蓋閏以刑人而供賤役。為世所棄。更何所圖。而至行大事乎。意者其弟夷末殆不免於速求代其兄位。故餘祭遂為其闕所弒。與常足之時。札以夷末嗣為在喪之君。其言於夷末者。必謂吳有姦人。當卒究謀逆之首惡。而夷末以與聞乎。閏弒餘祭之故。其命於札者。乃謂魯為宗國。宜先求遭喪之舊禮。此札之所由以來聘也。作如此說。而其使札來聘者。但稱吳子。則



實為新立之夷末而非已弑之餘祭。不言可知矣。惟杜氏預定以此吳子為餘祭。謂其既遣札聘而後遇弑。札以六月至魯。初未聞喪也。故其書來聘與常時未有喪同。然是年夏五月已書聞弑。吳子餘祭中間夾入晉會諸侯之大夫城杞及晉士鞅來聘與杞子來盟凡三事。乃追書先之。吳子使札來聘以死君而同於生君之不名。讀者惡知吳子之實為餘祭乎。總之餘祭弑必以此吳子為夷末。書法乃順。若夫夷末之立猶是在喪之君未及改元而遂指其國爵為吳子者。欲著其迫欲成君之志固然。而初之聞弑餘祭其端必始於夷末。意亦見矣。至於札之來聘以召稱胡傳謂其讓國階禍。故貶之。計前諸侯之所使來聘者豈嘗有稱字之例耶。其讓國階禍之說。余氏光指為加非其罪而輕於絕人。亦久。又杜氏謂札實公子。不書公子者。其禮未同於上國。是固然矣。而於春秋不書公子之旨猶有未盡。蓋吳與楚皆僭王號。其公子皆稱王子。不並削其公子不足。以懲其僭稱王子也。此較吳王之貶稱吳子為更

嚴矣。其例非專為吳設。亦非專為吳之札設也。抑尤有當  
辨者。如左傳所載。初。不定。指。吳。子。為。誰。而。獨。於。所。使。來。聘。  
之。季。札。鋪。張。炫。飾。殆。因。其。有。賢。名。而。附。會。之。耳。以。請。觀。周。  
樂。論。使。工。歌。風。雅。頌。盡。三。百。篇。而。無。一。遺。由。是。而。舞。周。之。  
象。武。以。上。及。大。濩。大。夏。說。於。虞。韶。其。集。樂。人。甚。夥。且。不。知。  
需。日。幾。何。魯。君。臣。能。徇。其。請。而。使。札。得。徧。觀。乎。至。其。樂。每。  
一。於。皆。以。所。見。為。之。論。贊。嘗。即。而。求。之。如。詩。之。國。風。首。二。  
南。總。以。始。基。為。吳。於。大。意。亦。得。其。終。豈。風。也。則。獨。說。七。月。  
一。篇。稱。樂。而。不。淫。何。以。能。該。他。如。邶。鄘。衛。三。國。統。謂。康。叔。  
武。公。之。德。如。是。可。證。者。惟。衛。風。淇。奧。之。美。武。公。而。已。他。何。  
律。焉。又。謂。唐。有。陶。唐。氏。之。遺。民。思。深。而。憂。遠。亦。汎。指。延。輝。  
所。云。有。如。是。耳。此。外。庸。有。合。乎。王。為。周。之。既。東。有。樂。離。之。  
作。是。蓋。所。稱。思。而。不。懼。者。與。然。亦。無。足。美。焉。齊。秦。並。存。於。  
周。是。所。當。抑。乃。復。一。則。以。為。大。風。一。則。以。為。夏。聲。其。誇。詞。  
已。屬。非。是。且。二。國。之。詩。具。在。究。何。由。得。而。想。見。其。概。也。魏。  
早。亡。矣。取。其。餘。却。云。以。德。輔。此。則。明。主。也。鄭。與。陳。道。存。而。

於鄭乃曰其細已甚民弗堪也是其先亡乎於陳又曰國無主其能久乎胡以言之不祥竟至此若非自鄒以下無譏焉札之可譏當更有加矣詩以雅頌為博大淵微而札之美小雅曰思而不貳怨而不言其周德之衰乎此特與變小雅近之其正小雅未有所屬又大雅亦分正變札復舍其變者而獨論其正者乃曰廣哉熙熙曲而有直體解意既晦且單指為文王之德其於詩之所言后稷以下更為悉若忘哉及卒為三頌形容其盛昔曰直而不倨曲而不屈亦似與其言大雅之曲而有直體同而更增之以疊句曰邇而不偪遠而不攜還而不淫復而不厭哀而不愁樂而不荒用而不匱廣而不宣施而不費取而不貪處而不底行而不流以是謂為札之獨有所領悟則然欲取以喻諸人吾知其難矣歌詩既訖因進而觀樂舞四代之樂札謂文猶有憾亦未深知其至德也武湯功德相符於武美其盛而猶嫌於湯有慙德以難諒之易傳何云湯武革命順乎天而應乎人我惟禹之勤而不德受順禪則札之

所謂無慙者矣。然猶未以為至也。至觀舜樂韶箠乃曰德至矣哉。如天之無不情也。如地之無不載也。雖甚威德其蔑以加於此矣。觀止矣。若有他樂吾不敢請已。夫孰不奉為韶之定論。但論語云。子在齊聞韶三月不知肉味而後嘆曰。不圖為樂之至於斯也。史記以三月為學之。三月至聖且然。札雖賢顧能得之於一旦乎。左氏代為之辭其如天如地二語亦本不圖為樂之至於斯。一語衍說耳。其果出通韶樂能以了然於心者。了然於口也。耶。觀樂之後傳更紀其歷聘諸邦與所見卿大夫殷勤告語亦皆憑空結撰。未可信為實然。當其在魯說叔孫約輒曰。子其不得死乎。好善而不能擇人其德為已甚。及齊謂晏平仲速納其邑與政乃免於難。過鄭謂子產必為政宜慎之以禮不然鄭國將敗。是皆晏平仲子產之所熟計而優為者而札乃如載之以其所不及何居已高而視人之卑也。至衛見蘧瑗史狗史鰌公子荆公叔發公子朝說之其人大半見於論語。經聖言品目以為衛多君子可矣。以為未。有患也。豈

其然與。自衛適晉。將宿於戚。聞鐘聲。而譏孫林父之當懼。而樂已可不必。又旋稱林父聞之。終身不聽琴瑟。此其無據決矣。既至晉。說趙文子武。韓宣子起。魏獻子舒。此三族者。其皆君子之徒乎。何以說之。又說叔向將行。謂之曰。大夫皆富。政將在家。吾子好直。必思自免於難。斯言也。若使札反。以自核。可不謂好直耶。可不亦思免於難耶。然則傳之失在浮夸。本作意以表札之為賢。乃轉以過情而成札之未足為賢已矣。

## 秋九月葬衛獻公 齊高止出奔北燕

管見齊高止高厚之子也。由其先太公之曾孫公子高。而齊乃有高氏。至高侯相桓公始盛。越二世及高厚焉。當襄之十九年。齊侯環有疾。命廢太子光而立公子牙。使高止之父高厚傅之。及秋七月。齊侯卒。崔杼擅立光。光執公子

牙。崔杼輒殺高厚。是時齊之廷當不容有厚之子。為高止者。至二十五年。崔杼復弑其君光。立光之庶弟景公。桓白而相之。以慶封為左相。二十七年。崔杼有家禍。以語慶封。慶封使盧蒲姜討之。遂殺其子成驪。而盡俘其家。妻棠姜。繼死。在杼帥則無窮矣。亦繼而齊之崔氏。成慶封。當國二十八年。慶封以好田嗜酒。委其政於子慶舍。舍引盧蒲姜之子癸以為衛。癸前事莊公。以崔氏之難出奔。既反。得事慶舍。知崔慶為一。遂與其徒王何刺殺慶舍。為莊公復讐。慶封歸自田。亦無家。以故來奔。而齊之慶氏亦隨崔氏滅矣。由是景公以前惠公之後。為公孫薑。公孫寬者。任以政。齊謂之二惠焉。其於高厚之有子高止。不聞復加錄用。魯處既踰十年。久抑於崔慶二氏。而更繼以公孫薑。公孫寬之二惠。與崔慶同。彼豈復知有高氏乎。蓋自今以往。齊國將有兩高氏也。如公孫薑之父。亦稱公子高。而薑之子彊已緣其祖易氏為高彊矣。齊有公孫薑之後。為高氏。則終無望前高彊之述。傳為高氏者。可與並峙也。在公孫寬之。

於兩高氏。不卒。成為偉一。而藐一哉。高止當此。雖以失位。微弱。不敢萌叛亂之謀。亦未免於多怨望之語也。以是聞於景公。而景公即令公孫黃公孫寬逐之。此高止所由以出奔北燕也。與其但書高止者。亦見其未得為大夫。以從政耳。至傳言出奔之故。謂高止好以事自為功。且專。故難及之。恐非其罪也。若夫所奔之北燕。范氏甯曰。南燕。姑姓。在鄭衛之間。北燕。姬姓。在晉之北。按燕本名公奭之故封。其後裔或分據之。有如晉與曲沃之比也。雖南北異號。以爲皆姬姓。而不以姑姓參之。亦可。惟春秋惡一國兩君。所書北燕者。自此及昭公時。凡四見。而南燕無之。說者謂桓十二年。公會宋公燕人。盟於穀丘。十三年。公會紀侯鄭伯及齊侯宋公衛侯燕人。戰其燕人。皆謂南燕。立論極確。蓋燕之自來。非二國。燕稱北燕。其地固偏在北。加北字。亦通。至別稱南燕。而與北燕爲敵。則削南字而獨稱燕。非以燕與之也。亦不許其分據。而總歸之於故。封云爾。

# 冬仲孫羯如晉

管見左傳云孟孝伯如晉報范叔也。是年夏晉侯使士缺來聘。士缺即范叔也。其冬魯以仲孫羯如晉報聘。仲孫羯即孟孝伯也。

## 三十年

# 春王正月楚子使薳罷來聘

管見高氏開曰。公踰年在楚楚郊新即位。故使薳罷來聘以報之。張氏洽曰。魯以君行而楚以大夫聘。此齊桓晉文所以行乎列國者。故自宋之盟楚人行霸主之禮。非晉平趙武之罪而何哉。按前二十八年十一月公如楚。二十九年夏五月公乃至自楚。其間值楚子昭卒。傳稱使公親視。復送葬至西門之外。其禮與古諸侯之奔王喪何以



異焉。楚之僭王號者已久。則此新立之楚子郢敖。以茲二十年之春正月。使遽罷來聘。謂因公於楚康王之喪。為已勤。而以禮報之。直是行王禮矣。豈惟行霸主之禮已乎。

## 夏四月蔡世子般弑其君固

傳見自宣公十八年。蔡侯固立。及茲襄公三十年。凡在位四十九年矣。是時世子般當已壯。欲速有其君位。不能待。故弑之耳。至左傳叙所由來。謂蔡侯固為世子般娶於楚。通焉。般弑蔡侯。此蓋世子將行大事而先設為中。聞曖昧之故。以誣蔡侯之淫。而不父宜有子禍。固是而當時如鄭子產者。亦早有所聞。而與其。在廷相告語也。夫豈誠然乎哉。

## 五月甲午宋災宋伯姬卒

管見。梁曰：取卒之日，加之。災上者，見以災卒也。其見以災卒奈何？伯姬之舍失火，左右曰：夫人少避火乎？伯姬曰：婦人之義，傅母不在，宵不下堂。左右又曰：夫人少避火乎？伯姬曰：婦人之義，保母不在，宵不下堂。遂逮乎火而死。婦人以貞為行者也。伯姬之婦道盡矣。詳其事。賢伯姬也。胡傳云：或以為共姬女，而不婦，非也。自世衰，道微，女德不貞，婦道不明，能全其節，守死不回，見於春秋者，宋伯姬耳。聖人冠以大謚，書曰：莖宋共姬，以著其賢行，勵天下之婦道也。按伯姬之死於火，傳說亦據其所傳聞，叙而斷之，究其不言之隱，自襄之二十六年，宋公殺其世子痤，伯姬為其嫡祖母，不能救，正遂無意於人世。值此年夏五月甲午，其舍火起於夜，是殆伯姬之心所禱，祀以求而惟恐不得者，乃自入室扃門，端然待斃，獨欲從先君共公以終於貞，願承奉已耳。在爾日，雖使保傅之母俱在，豈復有因左右之請而為之出舍下堂者哉？此說先於成公九年二月伯姬歸於杞詳之，取以合看可也。

# 天王殺其弟佖夫

## 王子瑕奔晉

管見襄二十八年十二月周靈王崩。子景王貴立。及茲已改元二年矣。景王有母弟佖夫。其庶弟王子瑕欲改立佖夫。而易景王。殆以靈王太子晉望而早卒。景王固非同於太。子之必當立。易之無下可耳。初靈王未崩。傳稱靈王之弟儋季卒。季子儋括既除服。將見靈王。入朝而欺。其意亦因靈王無太子。而有太子母弟貴及佖夫。難必作其誰能為之。與事乎。是必得一有朝權者主之。而後可。於時單公之子愆期為靈王御。亡過諸廷。聞其欺而知之。入以告靈王。且曰。必殺之。不感而願大視。躁而足高。心在他矣。不教必害。靈王曰。爾童子何知。弗聽。及靈王崩。立景王。儋括以王子瑕陰懷改立佖夫。而易景王之志。亦有權遂黨之。以為亂。死。圖周之萬邑。逐邑大夫成。愆。茲欲據之以興事也。

然前此僖括之歎於朝。由單公之子以告於靈王者。景王豈不聞之哉。即其奉景王之周大夫。又豈不聞之哉。於是尹言多則殺。單公甘過。單成凡五大夫定謀。不治僖括之亂。而惟殺王弟。使夫使之無可推奉。則曰夫亦景王之所誤聞。而不之禁者。與故春秋特書曰天王殺其弟佖。夫其臣之先議殺。則從畧焉。稱弟。杜注云。以惡王殘骨肉也。此其旨矣。佖夫殺。其謀立佖夫者。不奔而何以免於殺乎。其奔非一人。傳稱括瑕廖以總之。括為僖括。瑕為王子瑕。所謂廖者。但以名見前文。未之及。而於此帶出。度即為僖括之弟也。括黨於瑕。而廖亦黨於括。是何待於悉數耶。故春秋亦獨書曰王子瑕奔晉。其徒之皆從奔。則從畧焉。奔不言出。杜注云。月周之無外也。此其例矣。

## 秋七月叔弓如宋葬宋共姬

管見魯女適他國者。前惟紀叔姬者。卒亦書葬。紀叔姬然。亦未聞其使卿也。此叔弓乃叔老之子。其位為卿。而使之

莖宋共姬。則其意為加隆矣。宋公固諱其夫人從之。亦屬常例。而此特欲總伯姬之賢行。盡括之於一共字中。轉覺前書莖宋共公。猶是強名。今書莖宋共姬。乃誠非虛號也。

# 鄭良霄出奔許自許入于鄭鄭人殺良霄

管見前鄭伯蘭有十三子。靈襄嗣位。餘十一子。子然子孔士子孔族已亡。子羽不為卿族。亦微矣。故惟良氏游氏。豈氏。印氏。及罕氏。駟氏。國氏。以有族而大。稱七穆焉。鄭良霄為良氏字。伯有以上卿執政。汰而侈。其駟氏有公孫黑字子皙。好在人上。英能相下也。與之爭政。有隙。及良霄使公孫黑如楚。辭曰。楚鄭方惡。而使余往。是殺余也。良霄謂其世為行人。不得辭。公孫黑怒。將伐良霄。大夫和之。以公孫黑及霄將強使之。公孫黑怒。將伐良霄。大夫和之。以公孫黑及良霄盟。裨諶曰。是盟也。其與幾何。適以長亂禍未歇也。爾時良霄夙嗜酒。為窟室夜飲。擊鐘焉。及旦。家臣之朝者至。

不得見。皆還。既而良霄謂鄭伯。則又將使公孫黑如楚。歸而飲酒。醉。公孫黑以駟氏之甲伐而焚之。其家以良霄出奔。及鄭之雍梁。酒醒而後知之。遂奔許。鄭大夫聚謀所以處良駟之道。竊意罕駟豐三家本同母兄弟。子產為國氏。稱國。傷當就直助強。以與駟氏之公孫黑共攻良氏。而附於罕氏。豐氏也。子產乃飲良氏之死者而殯之。遂行其印氏之印。段亦義子產而從之。行子皮。固罕氏也。稱罕。虎不惡子產之私於良氏。特自止之。子產入。印段亦入。皆受盟於公孫黑之駟氏矣。又鄭伯及其大夫盟於太宮。盟國人於師之梁之門外。皆稔知良霄之出奔。許必將旋謀自詐而入於鄭也。已而良霄果潛入於鄭。固子羽之後之羽頡不列於七穆。而為鄭馬師者。川襄庫之甲以伐鄭伯之舊北門。公孫黑則以其兄公孫夏之子駟帶率國人以伐之。遂殺良霄。良霄死於羊肆。凡皆罕氏子皮及國氏子產陰為之謀。必使良霄之為良氏者。遂即於亡而後已耳。惟於殺良霄之時。不與其事。故傳辭猶稱駟帶率國人殺之。經

文則並削駟帶而但書鄭人也鄭人既殺良霄良氏亡子產猶偽為敦睦之誼縫良霄枕之股而哭之飲而殯諸良霄之臣在市側者既而莖諸斗城與前此飲良氏之死者而為之殯其用意正同豈誠不欲良氏之亡乎哉不寧惟是此年冬罕氏子皮殺國氏子產政子產曰族大寵多不可為也子皮曰虎帥以聽誰敢犯子此其相為恃賴審矣踰三年為昭公二年鄭殺其大夫公孫黑蓋以其與游氏之公孫楚爭室楚以戈擊之傷公孫黑將作亂欲去游氏而代其位傷疾作不果駟氏與諸大夫欲殺之子產在邇聞之懼弗及乘遽而歸使吏數公孫黑之罪而殺之此其先不寄盟公孫黑乎盟公孫黑而鄭人殺良霄良氏亡良霄既殺而又殺所盟之公孫黑使駟氏亦與良氏俱亡是始子產所稱為政莫如猛者必先不避親暱以立威有如此夫

冬十月葬祭景公

晉見蔡久服於楚。中國諸侯皆外之。嘗無會其莖者。自二十七年夏。叔孫豹會晉趙武。楚屈建。蔡公孫歸生。衛石惡。陳孔奐。鄭良霄。許人。曹人。於宋。秋七月辛巳。豹及諸侯之大夫盟於宋。於是約言晉楚之從。交相見也。交相見則其從晉楚之諸侯亦必交相與矣。值此年夏。蔡侯固卒。其冬十月。莖蔡景公。凡在諸侯。先嘗使其大夫與於宋之盟者。豈復得謂蔡久服楚而外之可不會其莖乎。但蔡侯固之卒實為其世子般所弑也。劉氏敞曰。君弑賊未討。不書莖。此乃春秋之常。港氏若水曰。鄰國諸侯不討弑君之賊。而公然會其莖。諸侯之罪與般均矣。

晉人齊人宋人衛人鄭人曹人莒人邾人滕人薛人杞人小邾人會于澶淵宋災故

管見此會於澶淵為宋災故其意出自魯耳魯因夏五月甲午宋災宋伯姬卒以火災卒也是本無可挽回惟今之



霸令君薨。大夫弔。卿共葬事。夫人。士弔。大夫送塋。叔弓為魯卿。而使之如宋。以葬宋夫人共姬。亦獨著其於禮。有加而已。至於宋之被災。若使得諸侯之以弔禮哀宋者。不惜破格用情。如札來之賻襦之。如凶荒之明委之。如師役之犒禮之。則猶有補於宋矣。於是魯以宋災告諸侯。即期諸侯之大夫會於澶淵。以議宋災之故。亦誠有如左氏所稱謀歸宋財者。故為變故指災言。亦為事故指救災言。魯之意亦誠善矣。然何能必得之於諸侯耶。前此二十九年夏。晉使荀盈會諸侯之大夫城杞。其會者如魯仲孫弱。齊高止。宋華定。衛世叔儀。鄭公孫段。皆大夫而卿者。是必脗舉其名。惟以下曹莒滕薛小邾其大夫較微。乃並人之及茲三十年冬。會諸侯之大夫於澶淵。為宋災故。是非晉之志乃魯之志也。晉志得行。魯志將不得行矣。故其時諸侯之大夫未始不來會。而卿無一至者。觀春秋特書晉人齊人衛人鄭人與曹人莒人邾人滕人薛人杞人小邾人無以別。則皆大夫之微者耳。豈能因之以決事哉。度惟是相顧

無言唯唯諾諾而去。更何待他日之不歸宋則乃見此會於涇淵之為虛而諸侯之於宋災故亦各漠然也耶。吾之此舉未審以何卿主之苟非前會於宋之叔孫豹亦當為會。晉城杞之仲孫羯焉不然則必猶是楚宋共姬之叔弓矣。而春秋特隱其名殆因魯之為宋無補在所使任事之卿其心愧恥直若無地可自容也。與

三十有一年

春王正月

夏六月辛巳公薨于楚宮

管見何氏休曰公朝楚好其宮歸而作之故名之云。國杜氏預曰不居先君之路寢而安所樂失其所也。邵氏寶曰魯襄公作楚宮而穆叔知其必死。衛出公效吳言而子之知其不免。妖孽見乎四體固其然哉。按三說已盡經旨。

# 秋九月癸巳子野卒

管見傳言襄公薨無嫡嗣立其妾敬歸之子子野。秋九月癸巳卒。敬也。立敬歸之弟齊歸之子公子裯。是為昭公。穆叔不欲以其居喪而不哀在感而有嘉容也。季武子不睦卒立之。比及薨。三易哀。哀社如故。哀於是昭公十九年矣。猶有童心。君子是以知其不能終也。據此則有公子裯之不哀。而子野之毀其賢益見。說者可不必更以滅性少之。湛氏若水曰。春秋之時。臣弑其君。子弑其父。視子野之傷孝何如哉。聖人書之。其感深矣。孫氏復曰。襄公太子未踰年之君也。名者襄公未薨也。不薨不地。降成君也。

# 己亥仲孫羯卒

管見仲孫羯為仲孫蔑之孫。仲孫速之子。速為大夫四年卒。羯嗣之。至是八年亦卒。嗣以纓皆為世大夫。與季孫叔

孫氏稱三家及春秋之終而未已焉

冬十月滕子來會葬

癸酉葬我君襄公

管見陳氏傳良曰前隱公元年改葬惠公衛侯來會葬公不敢見春秋之初猶秉周禮也降及成公十年晉景公稱之喪公弔焉亦已早矣晉於是止公使送葬諸侯莫在魯人母之雖為霸主未有君會其葬者也昨當襄公二十八年莖楚康王昭公及陳侯鄭伯許男送於西門之外則天下諸侯有會葬於楚者矣於是滕子會葬於魯是春秋之季也會葬猶可奔喪則又甚矣按此斟酌時勢立言最為有識

十有一月莖人弑其君密州

管見前文公十八年冬十月書莒弑其君庶其。不稱莒人。非無人也。為其行同。魑域終莫得而踪跡之耳。若此。襄公三十一年十一月書莒人弑其君密州。雖得指之為人。而究不可名。則莒之國人也。忽相與。蚺攢蟻聚。獨見其實。繁有徒而已。夫人為莒人。莒君密州。則其君也。而何以遂弑之哉。據傳文所載。莒君名密州。亦號犁比公。初娶齊女生去疾。又娶吳女生展與。犁比公愛展與。乃立之為世子。是時。齊女所生之去疾當即出奔於齊矣。時犁比公慮國人患之。其所立之世子展與必嘗撫其國人。而國人附之也。及犁比公復廢展與。使不為世子。則國人失望。懷糾合其眾。以攻莒君犁比公之名密州者。弑之。欲立展與以為君。其朝臣懼。撓眾怒。亦曲徇眾情。乃扶廢世子立之。以成其亂。亂乃定。然莒子密州之先廢展與。必令召立出奔在齊之去疾也。因是而朝臣使人潛逆於齊。齊亦使公子鉏納去疾。故展與立數月。當昭公元年之秋七月。莒去疾自齊入於莒。未嘗阻於莒人而使不得入也。莒展與出自吳女。

以去亦入而出。介吳亦未嘗何於莒人而卒不出。介也。然則莒人於其君之二子果何德而何怨哉。其所由弑其君。塞川者。徒以其處焉。爾觀於廢立其子之故。先以偏愛而立。廢與遂。忍於廢去疾。後以愛弛而改立去疾。又忍於廢。廢與。此其心之傲狠任意於其子然則民之為其所虐必可知。夫彼蚩蚩莒人。撫我則后。虐我則讐。未見世子。廢與之虐。則與衆立之不堪。其君密州之虐。則與衆弑之。遂致通國之人皆陷於大逆無道。不可勝誅。賊非遠而法盡廢。罪之咎乎。傳於其末曰。書莒人弑其君。買朱鉏。言罪之在此。罪何在。謂在鉏也。買朱鉏。杜注亦密州之字。